

宋

會

要

歸正上

宋會要

蕃夷光堯皇帝建炎元年五月一日敕應因金人驅攙及差取過軍前官員得還者並許依舊官職支破請給等或已別差人並令吏部先次別與一般差遣二年五月十一日曲赦河北陝西京東路應曾被虜剪剃頭髮人能回省者仰經所在州縣自陳勘驗詣實百姓並給公據放令歸業軍兵公人即依舊收管如係命官即驗實給公據津遣歸本任或本家仍具職位姓名事因聞奏仍令監司帥臣州軍督責兵將捕盜官等常切照管無致諸色人誤有傷害七月五日宰臣奏楚州發來歸朝官事上曰聞州郡多因禁歸朝官小有疑則加殘害或一郡幾至數百人朕甚憫之覆燾間皆吾赤子偶生邊地視之遂異然豈可與金人一例待之金人與吾戰初歐無罪之人又率諸國之衆荐冒鋒刃使肝腦塗地赤子亦何辜朕欲發諸郡拘囚歸朝官盡赴行在存拊之庶幾召和氣汪伯彥對曰王者仁不異遠陛下如天覆燾無間遠通皆與生全此帝王之舉也十一月三十日詔永州發遣到歸朝官改孝恭任簡道州發遣到歸朝官栢立吳康李萬全元管押人却押赴逐州依舊收管其張子齡令王淵收管使喚今後即仰諸州軍依元降指揮不得將歸明及因謀叛并劫掠財物

編纂管人一例發遣

五年六月五日添差通判湖州趙民彥為風土不

宜乞移潭州通判一次詔趙明彥係歸朝官特依所乞仍釐務四年五

月四日樞密院言兩浙淮南路宣撫司申歸朝官武畧大夫添差監湖州

都酒務御營使司軍前使喚趙遇武功郎添差泰州兵馬都監御營使司

軍前使喚高允濟狀伏覩樞密院劄子奏起復承務郎張斛劄子訪聞淮

東西路尚有歸朝官見守官或寄居玆慮人情猜忌妄生事端乞委本路

監司帥臣盡數發遣前來深入以南州軍各令陳狀願就是何州軍居止

今來並乞移任往溫州其添支請俸供給房前等依舊勘給詔令移家小

前去溫州依舊御營使司軍前使喚餘依所申七日詔馬欽陳皓王寬

張文亮劉典劉隆特各備舊官並聽劉光世使喚詔興元年五月二十

二日詔江淮州軍如有自金國南歸之人仰子細詢問來歷辨驗詣實優

加存卹差人護送前來行在有稱齋到二聖密詔并文檄蠟彈之類未得

奉行縱申朝廷聽候指揮如違重寘典憲二年四月十七日權發遣邊

州寇宏奏先擒到順蕃偽統制肅通偽巡檢許言近據元在肅通下宿州

偽都統吳青等將領人兵老小數千餘口渡淮從順蒙教書獎諭并取會

職位姓名去訖今又據虹縣界先在許言下偽統領保義郎王資將帶一

行人兵二千餘人與許言老小亦乞歸復聖化除已渡淮於濠州西湖下  
寨把截及踏逐良田今葺治農業準備使喚詔不路宣撫使司差官前去  
慰撫王資一行人兵老小餘並依奏 二十四日壽春府滁濠廬和州無  
為軍宣撫使司言宿州靈璧縣本朝官武畧郎栗宏率衆四百餘人又說  
諭宿州柘塘巡檢周明等三百餘人前來投順願見栗宏忠義乞與推恩  
詔栗宏特別給付身添差遣建康府兵馬都監 閏四月三日福建江西  
荆湖東西路宣撫副使韓世忠據朝大夫充宣撫使司幹辦公事劉公義先  
係本朝與德國修好之日遼國進士及第至宣和四年歸明以來蒙換授  
承奉郎自出身以來並無贓罪今來欲乞依出身人帶左字從之 九月  
四日敕勘會河北河東陝西京東西等路人民盡吾赤子昨緣金人脅虜  
隨逐南來旋為合軍近來往往後歸本朝並已存恤養濟至于軍兵亦已  
優支請給仰所屬常加檢察無令失所日後更有似此之人亦仰依此施  
行仍下沿江諸路宣撫安撫司及諸鎮撫使多出文榜曉示 三年二月  
十八日襄陽府鄧州鎮撫使李橫奏近有知汝州彭玘并京西北路提  
刑牛皋各率所部背偽歸正併保明一行將佐委是忠節得用之人望賜  
優恤詔彭起牛皋下有印將佐候李橫具到功狀給降恩命外可令學士

院先降敕書獎諭其牛革等令李橫撫諭存恤候立功日優與推恩橫又奏彭玘等聽臣節制遠處應援殺敵蕃兵已依例借轉官資乞給降空名官告付臣候有立到奇功之人對眾書填庶可激勸詔李橫所乞與尋常出師事體不同難拘常制可特給降武翼郎已下空名官告三百道二  
十四日李橫奏歸正將帥各係偽齊左降官品北移職任遂致離間復歸陛下為今日計宜因其所供官色更不窮治便以授任使之北行今有淮慶軍承宣使提點京西北路刑獄公事牛革乞差蔡唐州信陽軍鎮撫使知蔡州臣已牒牛革先次繫街庶得新遣有人彈治并差武經大夫連州刺史趙起知信陽軍武功郎閻門宣贊舍人朱全知唐州武義大夫閻門宣贊舍人牛寶充南陽縣界巡緝盜賊武翼郎閻門祗候朱萬成充南陽縣界把隘官武功大夫吉州團練使彭玘知汝州逐官係初未歸附若待奏報恐失機會臣已牒令管幹上件職事訖乞賜給降告敕昨來探報連到偽齊招誘誘處文榜內牛革係右武大夫和州防禦使派差充鄭州兵馬鈐轄從之三月二十一日劉光世奏徐州淮陽軍菱角山巡社正統領王順副統領王集等狀為久陷偽齊密結義兵殺併蕃人領人兵老小前來歸朝臣已支給米糧今且在淮北把隘養種別聽使喚外乞推恩施

行詔王順補承信郎王集補進武校尉仍令劉光世常加存恤 四月二  
日襄陽府鄧州鎮撫使李橫具到顯昌府汝州界首先唱義率領軍  
馬歸朝官乞賜旌賞忠州郎呂璋承信郎高師武武翼大夫閤門宣贊舍  
人解成武德大夫閤門宣贊舍人常立詔並特與補正見帶官職仍更轉  
兩官同日權差充高州鎮副使兼知魏州兼震泰今來率河南鎮與高  
魏軍民輩偽歸正有申奏文字已差借補降職郎本司降辦官党尚友赴  
行在投進緣水陸千里道路艱險乞量行推恩詔党尚友特補正降職郎  
仍與循文林郎 十一日樞密院言拱衛大夫忠州團練使馬欽差充兩  
浙西路兵馬都監不釐務平江府駐劄依舊從軍候事寧息日申取樞密  
院指揮前去之任詔馬欽自歸朝後朱果立勞効可特落歸朝字與釐務  
餘依已降指揮 六月十八日樞密院言王林等五十二人自海州懷仁  
縣殺戮劉忠來歸本朝除已等第補正官資外王林欽差充樞密準備差  
使從之 七月十三日詔田怡歸朝累年備見忠勤每月特支破米三石  
八月十一日朔衛大夫成州防禦使楊忠愍奏祖父保太原府榆次縣  
人昨任本府和縣監稅陷虜靖康年間挈家歸國子父三人蒙恩作歸朝  
出身臣近落歸朝字注授差遣有男二人未嘗咸落乞將男武經郎祖輝

保義郎祖亨改換出身差遣從之 九月二十五日詔金人自來多係取  
虜河北等路軍民號為義軍所當先衝冒天石枉遭殺戮念皆吾民深可  
憐憫兼自來招收投降降漢而義軍等並皆優補官資支破請授可令岳飛  
如遇外敵侵犯措置說諭有率眾來歸為首之人仍優與推恩 四年二  
月二十五日知金州薛安靖等奏自海州勦殺蕃酋等來歸朝廷茫然無  
寓止之地詔薛安靖李彙令紹興府於官田內各撥賜上色田三頃 四  
月十七日詔自今應有歸朝官陳乞再任添差差遣並許依歸明及蠻徭  
人條法施行以吏部言勦會歸明人依條去替半年蠻徭人去替兩月並  
依本資就注鄰近州城內見闕無見闕即添差替先滿人並應就注而無  
闕願在任者聽緣條內無歸朝官許依歸明及蠻徭人例明文未敢施行  
檢准紹興元年正月十四日指揮歸明歸朝文武臣等應添差不釐務差  
遣之人候到實及十五年曾經兩任無道闕遇犯令三省樞密院同共鈐  
量如委有材幹可以倚仗即與添差釐務差遣如係從軍人立到功効每  
經轉一官資與理當在任一年注授本部勦會歸明及蠻徭人注窠闕其  
條內即無分別釐務不釐務之文兼歸明歸朝官注授釐務差遣已有前  
項所生指揮及條內雖稱歸明人落著得還人同敵上條係元豐法詳定

自宣和平方自歸朝官乞將歸朝官陳乞再任添差差遣許依歸明及蠻  
僞人法條故有是命 十一月二十三日常臣趙鼎奏曰望降詔書開示  
從僞齊之臣勢不獲已他日來歸亦不加罪如張孝純李鄴子弟朕在近  
條可見陛下恩德第曰中原陷沒士大夫不幸汙於僭逆皆朕之過朕修  
書艱難不忘恢復蓋欲極之塗炭咸與惟新要使人人知朕此意十二月  
七日江東淮西路安撫司奏收接到僞齊劇賊則寨內逃出使臣劉遠張  
清楊淮郭全童保王海六人言在賊寨內結約得三十人投拜本朝遣見  
蕃賊趕散劉遠等六人走脫前來並是同州人劉遠係僞保義郎郭全童  
承信郎王海僞進武副尉張清僞進武副尉各有僞竹身文字係出賊寨  
後去失童保楊淮竹身解赴朝廷應所授僞齊官資並將與補正仍各更  
與轉兩官資優給路費發回劉光世軍前使喚 八日詔宿遷知縣張澤  
昨自僞境率眾來歸忠義可嘉理宜旌賞應所授僞齊官資並將與補正  
更與轉一官資仍添差差遣優給路費津遣之任 十二日詔曰朕  
惟靖康兵革之難神氣幾墜天命有在屬于眇躬夙夜兢兢罔敢自逸期  
與爾士大夫共雪大耻還我兩宮保育黎元永庇中土而疆敵侵軼迫朕  
一隅叛臣東時盜據京邑使我搢紳淪陷塗炭蹂朕不德以至於斯北望



傷心收涕無所亦惟國士大夫家祖宗休澤服在周行其肯失身偽廷事  
非其主顧驅脅使然有不得已者朕甚痛之甚苦之故若張孝純李儒等  
內外親族不廢祿仕每銓有司常加存恤朕之於國厚矣爾尚忘之耶其  
能洗心易慮束身以歸當復其爵秩待遇如初嗚呼逆順之理禍福之機  
昭然甚明要知所擇朕方布大信以示天下言不爾欺有如鐵日或務自  
省體朕至懷 二十日神武中軍統制楊沂中奏武功大夫忠州團練使  
左軍左部統領官范溫原係山東福島統率鄉民涉海來歸自元統頃累  
年備見軍力乞與外任差遣詔范溫特添差江南西路兵馬鈐轄撫州駐  
劄任滿更不差人五年二月五日拱衛大天淮西宣撫使司親兵副統制  
馬欽上言祖係漢民幼承父母遺訓復歸漢土已久今來尚以虜界為戶  
欲望特賜欽中原祖貫詔馬欽特賜鳳翔府扶風縣為貫 二十日新知  
金州薛安靖新添差權通判秀州李彙奏先蒙指揮於紹興府管下各撥  
賜上色田三頃綠安靖等陷虜三年先任海州知通首尾二年嘗立功勛  
乞比類歸明官及陷蕃投歸人等例權行銷閩稅租從之 二十二日淮  
南東路宣撫使韓世忠言偽郡押綱官成忠即左恭等歸附一行大小船  
一十五隻米一十五百二十五石老小七十餘口投淮陰縣詔左恭特與

補元官外更與轉三官 四月二十三日三省言淮北官吏軍民不忘朝廷涵養之恩日來歸附深慮州縣不能撫存或致失所有違累降詔令之意詔令淮東西宣撫使司多方存恤百姓願占闕田耕墾者州縣即時標撥給付軍人於所至州陞一等軍分收管舉人官員保明中尚書省審驗舉人舉免特未文解一次官員於見今官資上轉一官資添差見闕差遣仍仰行下所屬散出榜文招諭 同日樞密院言淮北來歸之人朝廷以厚支給賞料量推恩添差行在差遣及樞密院準補差使於內外安排全先次放行請受內有告別不全之人即與其地去失付身不同理宜措置詔應自淮北來歸見充行在差遣使臣如陳乞告別未了特與權依見今官資日下放行本等驛券其餘請受候出到去失公據依條陳乞 七月十九日詔淮北歸附人民所至州縣實計口數每人支錢一貫於提刑司應于錢為支給所給耕種閑田開墾之初與免稅役五年外仰所屬州軍中尚書省如尚未就緒即更與寬展年限軍人請給衣賜等依時支給不得積壓舉人官員免罪解轉官差遣依已降指揮外如有關少路費仰所屬州縣應副津遣前來歸付人仰州縣嚴行約束如敢搔擾許人戶經本路宣撫安撫提刑司越訴賞錢一百貫犯人並依軍法當職官失覺察取

旨重行覈責今來寬恤事件如州縣奉行違戾朝廷體訪得實當職官重  
實典憲事件即仰隨宜措置先次施行訖中尚書省務使歸付之人早獲  
安業並令逐路宣撫司多出文榜曉諭 八月四日都督行府言歸朝官  
左通直郎張企曾添差權通判道州曹有許燈務指揮今任欲令燈務從  
之 二十日樞密院言成忠郎康濟趙允民保義郎曹紹光趙寬陳安時  
承節郎王靖毛瑛王居寔降武郎孫力久守闕進義副尉張公悅並係自  
淮北來歸之人依優恤指揮於見今官上轉一官添差見闕差遣已取問  
願就差遣添差了當除孫立久王居寔張公悅係特補官資并陳安時已  
依指揮轉官外詔未經轉官人各與轉一官無請受文曆人並令戶部特  
行出給 九月三日詔應淮北歸附官吏軍民願占外絕空閒莊舍居住  
者令所屬差官量度口數標撥給付仍依泰州邵彪申明召人請佃荒田  
指揮如在五年外元業主歸識認官司辨認文契詣實別路逐逃絕屋依  
數撥填從和州楊博請也 六年八月二十六日樞密院言薛安靖係  
首先率眾還朝忠義顯著雖已推恩理宜增賞特詔更轉三官內一官與  
轉行遠郡仍差充汾海制置使司參議官與李文淵同共措置海道事務  
十二月一日內降淮南路德音訪聞陷賊百姓苦其殘虐多欲歸附仰

泌淮州縣多方接納如願耕佃官田令營田司標撥仍於已免租課年限  
外更免三年其帶到物貨仰州縣給據經田場務驗認免稅 十九日樞  
密院言偽境脅投通且郎劉敏自耀州脫身遠赴行在投獻利害忠義可  
嘉詔特與補修職郎 七年正月七日中書門下省言京西陝西路歸正  
百姓已令岳飛同霍盡撥牛種召募耕種高處人所詔岳飛於大軍糧  
斛內支米一萬石撥付歸州專充賑濟仍多出文榜曉諭 三月十五日  
樞密院言岳飛申先有偽界官兵李清等不肯順偽率眾歸正內東義郎  
閻門祇候李清係頭領乞與正補成忠郎依舊閻門祇候從之 九月三  
日中書門下省言申左路真表章不從郎瓊背叛詔各吏與轉一官 十  
二月十一日奉詔秦偽境統制官王宗等率眾來歸上曰宜有以犒賞之  
但來者既眾當使厚薄得宜庶幾一體趨焉等奏所賜銀絹客使進入上  
曰已令內帑辦賜禁中所有銀絹等未嘗一毫他用皆留賜將士爾是日  
詔武舉郎兼閻門宣贊舍人王宗武義郎兼閻門宣贊舍人常淵各於見  
今官上轉三官餘各轉兩官 八年正月十四日奉臣道呈知高春府孫暉  
奏有偽壽春府知州宋超率兵民來歸上曰此事於一朝建無毫髮之益  
但如人子來歸為父母者可却而不受乎緣方遣使人與虜議事可行下

公淮諸處不得遣人擅便過淮招納引惹事端 二十八日上宣諭宰臣  
曰昨日張俊入見朕常諭之聞馬欽於卿素懷不足卿必欲留軍中萬一  
欽病死人必謂卿殺之於卿故之於卿亦便乎俊悚然謝曰臣實思慮不  
至此不敢復留欽矣先是以歸朝將官馬欽人馬隸張俊軍而上親筆差  
欽充江南東路兵馬鈐轄俊堅欲留欽不遣致及之 二月一日主管淮  
南西路雲撫司公事兼制置副使劉崎奏武顯大夫前知壽州宋超權發  
全城忠義歸明欽乞差充本路兵馬都監庶幾激勵詔時添差宋超權發  
遣淮南西路兵馬都監廬州駐劄 五月十四日宰執奏廬州解到歸正  
使臣張括等三人自言在西京關師古手下師古遣來中奏朝廷乞赦之  
罪自効來歸 上曰昨背叛從偽之人若能來來自歸無功者朕以不死  
待之若立功自効即隨高下推賞賴臣趙鼎已下退而譏曰大哉王言此  
漢光武之畧也 六月十五日吏部言從義郎劉鐸陷在偽地結連到官  
兵石哲等一百五十四人將帶骨肉渡淮歸正詔劉鐸先次轉一官 八  
月十五日德安府奏左迪功郎本府節度推官張節夫以書招誘劉永壽  
率眾來歸詔張節夫特與改永壽郎十月八日湖北京西路宣撫使岳飛  
奏節夫放接到歸正人徐崔虎等已供申朝廷外今請收到歸正偽知顏

順軍權知鎮江軍府統制官胡清等官兵一千一百八人委官收索逐人  
真本付身點對計四百六十三道已於降付身詔胡清等<sub>下</sub>歸正官兵內有  
偽補付身人特與補正董道聖與正補教武郎閻門祇候新師顏邊俊鄭  
宣並正補承節郎 九年八月二十八日詔關師古除龍神衛四廂都指  
揮使其帶到一行官兵與歸正 二十九日樞密院言昨廢齊差趙榮知  
宿州王威知壽州屢抗官軍及大金割還地分 朝廷降敕令各安職守  
之後却便驅率官屬百姓攬離本任致兩州吏民道路散亡父子不能相  
保其趙榮王威別作施行及放散百姓歸業外所有帶到官屬守係被驅  
率之人理合優恤詔令看詳司提馬軍司申到職位姓名疾速換給合所  
屬注授合入差遣 十一月四日三省樞密院看詳司言河南新復諸路  
官員所授廢齊等付身見置司看詳換給外其軍兵未有專降指揮詔諸  
路軍兵並漢蕃弓箭手已授行臺并廢齊省部三衛留府總制經府司補  
轉資級並仰逐路帥司取索元授付身勘驗批鑒並同真命如有該載未  
盡名色比擬中三省樞密院看詳司若已到行在之人令所屬曹部三衛  
依此施行 十年七月一日詔馬秦首先率眾來歸與補正見帶官資特  
轉行右武大夫除逐郡防禦使仍賜袍笏金帶 九月十日明堂赦河北

河東京東諸路人民本吾赤子偶緣淪陷遂致驅率與官軍開敵應今後  
歸正之人仰諸路帥司並加存撫有官者還以官爵仍加優轉軍人百姓  
願從軍者優補名目厚支諸給如不願從軍者聽令自便仍給與空閑田  
土官備牛種料種蠲免役稅各令安業其女真今來再犯河南諸路州軍  
內兵民有被驅脅者在行陣者亦仰准此撫接應諸路關隘攢子及諸色  
等人引接赴官司並依已降指揮按所引接人數多寡等第推恩其投降  
人已解甲棄仗別無姦詐而關隘輒遣報殺者並行軍令即臨陣之際  
有倒戈降投者帥司常切戒約軍士不得輒有戕害亦當優招降列人數  
多寡量與推恩河南新復州軍官員軍兵等換給告劄付身有司例皆聲  
說陷偽事跡即不曾分明聞坐刺地之後心懷忠義不肯渡河因依可令  
所屬將應河南新復州軍官員使効軍兵等投給告劄續紙補帖等並開  
具心懷不叛不願渡河因依已給者許令自陳改給 十一年三月七日  
德音應壽春府廬濠滁州和舒州無為軍被虜者經剪剝人仰經所在自  
陳助驗諸實百姓給換放令歸業軍兵公人依舊收管命官即驗實給換  
仍令監司帥守約束捕盜等官常切照管無致傷害 十二年二月十五  
日右武大夫果川觀察使新差權發遣福建路馬步軍副總管不釐務馬

奏奏兩款聖恩差浙西副總管職事皆係釐務尚無尺寸之功補報朝廷  
今來改差福建路不釐務副總管更無緣得効絲毫之力乞許令釐務從  
之 二十四年十二月五日吏部言欲將應承務郎以上歸正官令今後  
到部不許指射淮南京西沿邊差遣見任官令轉運司依避親法對移不  
係沿邊州軍一般差遣從之 元日臣僚上言改有是令 二十八年正月

二十九日四師中言本軍有歸正官兵六百四十七人緣不曾帶到付身  
家朝廷存恤權所稱官資支給奉食錢米自從軍後又行立功乞計量補  
正樞密院擬定欲將武義大夫至承節郎軍兵都虞候至都頭並各與減  
五官資補正承信郎至進勇副尉並兩資與補正一資軍兵副都頭至押  
官緣無可減並與補正押官並出給付身從之 三月二十五日吏部言

今措置歸正歸附後來曾經曾用雖以離軍添差了當若未曾用過歸正  
歸附恩例之人許再行陳乞添差一次內不曾從軍人許陳乞添差兩次  
其已經差兩次數足之人自合依條到部注授內已添差過數見在任人  
令熟滿今任候滿日到部注授樞密院勘會切慮內有無力到部之人理  
宜優恤詔不曾從軍兩經添差數足之人令吏部取索干照更與添差一  
次 五月十一日四師中奏中軍准備親領薛亨先領領官二十年職事



脩崇實可倚仗乞將廢齊從義郎已下付身并本朝立功拔排換給真命  
今吏部將見存付身兩資與補一資減折補正保義郎官職未稱乞與免  
減詔薛亨特與補正秉義郎餘人不得援例 二十九年閏六月六日詔  
歸正歸附人並只用自歸本朝日所給付身照使不曾帶到偽地被受文  
字者特與赦行令吏部出榜曉諭吏部侍郎葉義問言應歸正附未嘗  
減定官資參部注擬差違奏為致仕遺表思澤轉官酬賞封贈唐勣關陞  
等合行取索前後給到干照並下所屬勸勵驗指實保明申部等候遞  
處齊足致遠延歲月今參酌日後如有似此之人赴部陳乞更不取會便  
合遵依今降指揮只用自歸本朝日所給付身照使并照應正月二十九  
日師中申請指揮放行從之 十月十九日樞密院言歸正歸附人已降  
指揮添差差違其間有不曾帶到付身及不圓有合遞減官資之人若候  
遞減了日放行切慮留滯詔令吏部先次放行添差一次 三十年十月  
十九日吏部言歸正人元係本朝補授真命官資後來臨偽脫身前來歸  
正雖不曾帶到付身却有給到干照聲說本朝補授未歷或有其他干照  
見得或未曾帶到付身却有偽地印紙見得之人兩項今措置並免遞減  
若無本朝補授因依干照及不曾將帶到印紙之人却有自歸本朝後來

立功之人不論官資曾經一次立功轉官與免遞減一官若曾經五次立功轉官並免遞減五官自歸本朝後全不曾立功陞轉官資及無干照見得本朝補授及不曾將帶到印紙之人今措置依田師中申請指揮施行從之以翰林學士兼權吏部尚書周麟之奏言紹興二十八年二月田師中申請指揮應歸正人不曾賣到付身並與減五官補正吏部方且遵用續承紹興二十九年閏六月指揮令只用歸朝日所給付身照使其不曾賣到偽命文字者特與放行吏部既與放行又承當年八月指揮令遵依今降指揮只用歸朝日所給付身照使并照應田師中申請指揮放行切詳前項指揮若曰特與放行則不難遞減補正若曰遞減補正則難以一例放行二者自抵牾而不可並用今乃兼存之使嘉吏得以出入有司無所遵從實為弊之大者若於二者之中舉其一而行之則又不容無弊蓋亦於放行則不問其功閏不計其久近而倒得升進必至於汎濫一於遞減則久在軍中立功官資類從緩補將何以激勸乞令省部別行看詳著為定令於是詔下吏部條具故有是命 三十一年九月二日敕應歸附副尉未曾從軍立功之人已降指揮共添差三次了當可更與添差一次及昨降指揮諸軍揀汰大小使臣校尉副尉下班祇應內付身不圖之人

權許添差一次切慮無力整會却致失祿可令吏部更與添差二次昨降  
指揮初補不經具鈔之人候到部審會詰實具鈔到給付身蓋欲杜絕冒  
濫仰所屬今後似此之人如初補應得見行條法指揮令召本邑保官一  
員委保與免具鈔換給諸軍揀汰雖已經添差一位到部許一注諸州惟  
備差便及獄廟差遣其間有實緣殘廢不能親身赴部令召本邑官一員結  
罪委保正身許家人資狀赴部陳乞差注以示優恤 十月九日詔朕念  
中原赤子及諸國等入久為金虜暴虐役使科歛或世為奴婢已無生意  
及指吾舊疆百姓為宋國殘民蹂躪殺戮無所顧惜朕聞之痛心疾首是  
用分遣大軍謁道並進以救爾于塗炭想聞王師之來必相率歸順朕不  
惜官爵金帛以為激賞若係有官之人並依見今元帶官職更不叙減其  
有以土地來歸或能攻守城邑除爵外賞凡府庫所有盡以給賜朝廷所  
留惟器甲文書糧草而已如女貞勅海契丹漢兒應諸國人能歸順本朝  
其官爵賞賜並與中國人一般更不分別內燕北人昨被發遣歸國者蓋  
為權臣所誤追悔無及今雖用事並許來歸當優加爵賞勿復疑慮朕言  
不食有如皎日 十二日權發遣均州武臣奏九月二十九日本州遣人  
招納到北界忠義歸明二萬餘人并老小數萬口詔令成閭郝成武鉅與

曹最同共措置支給錢米賑濟優加存恤如強壯人願充白身効用者令  
隸軍中權行收管又破請給即不得強刺手面餘人聽從其便內有願耕  
者給與閒田借貸牛種無令失所合用錢米令總領所疾速應付如關先  
次就便支米 十六日中書門下省言淮北軍民老小不住歸正前來淮  
南已委官支給錢米賑給外切慮有逃還江南之人詔兩浙江東西轉運  
常平司行下所部州縣勘驗指實許於空閑官屋及寺觀內權行存泊優  
加賑給無令失所 十一月六日鄂州駐劄御前諸軍都統制吳拱申先  
結約鄂州豪戶孫傳既身般家屬並客戶壯丁一千餘人老小三千餘口  
馬一十五疋牛驢一千餘頭前來歸朝除將孫傳等收接多方存恤外本  
人委實忠義可令先次權補修武郎差充忠武軍統領官招集忠義之人  
隨軍使喚詔特與補正餘並依 十一日上諭宰臣曰應注上歸正皆是  
向化之人雖屢行下存恤恐州縣不切究心今令依元降指揮計口支給  
錢米或營運或耕田或願充軍務使各安其業內有偽命之人即與對換  
文武官資及便受差遣庶幾得祿以脫羈旅窮餓之苦 十二月十八日  
戶部言歸朝官教武郎劉翼乞將偽地給到料錢文曆送太府寺換給行  
下粮料院勘會合行換給毀抹偽地舊曆從之 三十二年二月四日四

川宣撫制置使司奏北官忠翊校尉張公順先因歸朝補進義校尉累與  
金賊經戰轉從義郎後因陷偽受到偽正隆二年五月初牒授換忠翊校  
尉今來復歸本朝本司依例擬轉一資於下班祇應上補進義校尉乞詳  
酌於元受從義郎上補換推恩詔張公順特與補換忠翊郎職到付身令  
高書省簽抹 閏二月十六日詔訪聞兩淮正業人戶及淮北歸正人將  
帶老小前來往往晨露未能垂粟可令取撥常平義倉米賑給淮東今王  
廷於所管米內支撥一萬石或不足於浙西米內湊撥取撥交付王彥融  
淮西今洪造於江東米內支撥一萬石交付向洵並專充應到賑濟仍逐  
路計置合用人船疾速差人管押裝發其淮北歸正人如願耕種者給得  
閒田應到牛種趁時耕種各具知稟申尚書省 四月七日太傅等遣軍  
節度使御營宿衛使和義郡王揚存中奏蒙縣倪震等部領壯夫一千餘  
人并老幼共三千餘口皆已渡淮到花廳鎮本縣累經蹂踐並無屋宇安  
泊兼不住有歸正人甚多又關糧食不能存活日虞回歸復興誹謗其害  
甚大乞就便於淮西總領所支給錢米以濟窮乏仍乞依已降指揮令江  
東轉運司及建康府都統制司水軍差撥人船裝發棹水手日支錢一  
百文米二升從之五月十九日楊存中言孟照等將帶老小前來歸正見

在光州固始縣居住乞將孟照差充光州兵馬鈐轄其餘人給與官田耕種從之 二十七日上宣諭輔臣曰自去秋元顏亮犯順中原之民不忘祖宗涵養之德相繼歸正者不絕朕恐士大夫分南北彼此變失招徠之意卿等可審處如有能辦事者與沿邊諸州軍差遣士人願入學者從便教養及令應舉其餘隨宜收卹庶使以來者得安未來者欣慕而至宰臣陳康伯等奏曰謹頌聖訓 二十八日臣僚上言沿邊州軍遇有自北來歸之人置籍抄錄姓名出給公據使皆著業其願為農者請官田立定頃畝永為己業貧不能耕牛種農具者官給之仍免十年差科稅賦願為兵者發赴軍前免刺面補為効用優支請給如材藝過人可備使令許主帥量材錄用士人聽於所在州軍入學聽讀赴試官員換給外與不履務差遣一次或無屋宇可居聽於寺觀權暫安泊老疾孤獨別作存恤其有率眾來歸人材可用乞加旌擢以示勸激從之 紹興三十二年六月十三日 孝宗即位 登極赦書紹興三十一年以後歸正士人未有應取去處竊慮失所理宜優卹可令於所在州軍附今秋解試其取人分數與依昨流寓人例施行 同日登極赦書應沿邊州軍士民不忘本朝恩德遠來歸正委是忠義內補換官資之人已行添差諸州軍合入差遣訪聞州軍

多不依時支給請受有失朝廷存撫之意可令諸轉運同行下州軍今後  
須管按月支破毋令失所如有違戾去處按劾以聞 同日敕書應歸正  
歸明大小使臣授副尉下班祇應累降指揮添差差遣竊慮尚有無力參  
部之人理宜優恤可令吏部更與添差一次 同日敕書應諸國歸正人  
等皆係忠義所激嚮慕而來理宜優恤仰州縣長吏常切撫存毋令失所  
內官員已令添差差遣候任滿日更與添差請給人從依元降指揮如留  
帶道路棲止逆旅未曾推恩人所在州縣津發日不令詣樞密院自陳當  
議即與依例施行 同日敕書北來歸正士民慮有貧乏寄居在外州軍  
之人深可憐憫仰守臣將歸正人許赴學破食應請常加存恤百姓賑  
濟毋令失所七月十九日准東常平司言准北人來歸甚眾見居楚州境  
內轉運司均撥賑濟未同常平米即今給散其請種閑田乞免稅役十年  
如匠藝之類亦免課使戶部契勘歸正州新民耕田依湖北京西舊舊權  
免稅賦即難定立年期其工匠手藝免差額欲依所陳仍切存撫毋令失  
所從之 八月十一日吏部言欲將新復州軍歸正換補大小使臣校尉  
添差帥府不待過七員節鎮五員餘州軍監三員已添差溢數人許滿今  
任與尚書省選通立額如後添差數足別措置從之 九月二日尚書省

言去年及今歲赦前歸正人遠來不易所該軍思轉官合納被赦發理宜  
優恤詔免送納 同日四川安撫制置司言歸正定遠大將軍秦弼差利  
州西路副總管繳所授金國付身換給武德大夫弼昨在鎮戎軍北疾不  
受虜命挈家歸朝忠義可嘉理宜優列詔秦弼於已換官上轉親衛大夫  
令四川宣撫制置司差沿道知州軍依舊利州西路副總管 九月七日  
江淮東西路宣撫使張浚言秦州被虜逃歸進士王轉原世康並秦州學  
校士人久在虜中禮部楊伯傑家授館深知虜情辛勤遠來所言事宜實  
皆詳悉乞各與免將來文解一次以為忠義之勸從之 十一月二十六  
日江淮東西路宣撫使張浚言山東忠義人朱歸不絕海州招募強壯義  
軍已及四千餘人各有家小多至十餘口大率衣糧彈闕及楚州忠義人  
在外伏望睿旨寬剩科降仍令有司疾亟津發詔淮東總所施行行 二  
十七日江淮東西路安撫司言海州連水軍歸正忠義人有願請開田耕  
種係開荒宜寬稅限欲自來年為始放免稅租十年以資各肯安業從之  
肅皇聖帝隆興元年正月十四日戶部員外郎奉使兩淮馮方言昨承指  
揮淮北歸正人以東路所管常平義倉未賑給不足則取於西路山東義  
兵取於浙西為石三萬五千已至海州流移人戶欲乞於浙西江淮東西



徑以常平義食散給未到權假於總領所從之 二月五日江淮東西路  
宣撫使張浚等言比高選歸正人往戍邊欲望望支細甲弓箭作聖旨給  
賜以為激勸詔內軍器庫支降 二十八日左正言周操言伏見朝廷推  
招携懷遠之誼歸正有官隨宜區處有釐務不釐務兩等注授今歸正釐  
務官尚左待右各十餘人類得兩浙江東西路州軍見闕差遣臣切思之  
若添差歸正為釐務則兵從釐給與不釐務事體有別欲望自今並差不  
釐務使之祿廩無闕足矣候邊鄙平寧然後許赴部注擬從之 五月四  
日中書門下省劄會歸正官乞給料曆已有旨並經戶部即日索付身照  
驗書給本部今執用紹興三十一年十二月一時之制凡付身無首先二  
字皆格不行忠義來歸理宜一體詔戶部歸正官陳給料曆並依行仍明  
諭經部自陳 七月十八日四川宣撫制置司言拱衛大夫熙河路統制  
王宏等率眾歸朝備見忠義依已得旨王宏差仰前中軍同統制軍馬仍  
舊熙河兵馬鈐轄統制本路將兵武功郎魯孝忠差仰前中軍同統領軍  
馬仍舊熙河路兵馬都監統領本路軍馬並從之 二十五日臣僚言既  
安府士庶服飾亂常聲音亂雅已詔禁止訪聞歸明歸朝歸正等人往往  
承前不改胡服及訪軍又有劄習蕃裝兼音樂雜以女真有亂風化詔刑

部檢坐條制申嚴禁止歸明歸朝歸正等人仍不得仍前在社胡服諸軍  
委將佐州縣委守令常切警察 十一月二十二日樞密使都督江淮軍  
馬張浚言諸軍所統歸正忠義勝兵其中口眾冬寒衣裝多闕慮或失所  
欲將入隊伍口以上給絹布各一疋不入隊伍給布一疋入隊三口四口給  
布一疋或闕布折支給錢詔總領所契勘支給 十二月四日禮部言海  
州歸正進士蘇三益乞免解推恩如果累應舉有一時文書可驗年及五  
十以上依已獲旨合一免解三益今稱被掠曾不一存無憑照驗勘會三  
益雖無干照緣海州已給偽地得解因依提詔與免解一次 十七日中  
書門下省言懷遠縣見得歸正人張寒理宜存恤詔歸正官戶部人給絹  
五疋綿十兩老小并歸正百姓偕老小入各給絹三疋薪炭錢二貫綿絹  
仍給本色 二十八日詔醴州武功縣鄉貢進士白師望特免文解一次  
以師望歸正自陳從四川宣撫制置司奏請也 二年正月二十六日江  
淮都督府參贊軍事陳俊卿言取會歸正人鄉貫姓名戶口凡數相度在  
軍有休給外餘不過五千戶計口三萬普濟以常平米度費米萬石乞與  
逐州主管官臨支務實惠均給從之上以歲放賑濟恐成例湯恩退等曰  
歸正人多願耕今以其初到未曾撥田慮恐失所一例賑濟日後不須施

行上曰與之蓋屋成一聚落庶幾人皆樂附思退曰如東晉之南蘭陵南  
豫州之類將來屋宇耕具皆辦各以其州郡傳置一所數少者附入上曰  
甚善三月十日吏部言新復州軍歸正大小使臣校尉今迎襄州軍添  
差員數並足二廣州軍雖有見闕道遠多不願往類欲承替近襄州軍見  
任人緣未有許替指揮今乞願承替已差足人者聽注一注從之十四  
日江淮都督府言汴京百姓張慶祖等忠義遠來陳說事宜欲從朝廷特  
與補授詔以慶祖未有功令候立功日補轉十七日詔和光州皇甫侗  
等且緩招接歸正人令具如何存撫及事利害條奏黃州屯駐統制劉源  
言順昌府汝陰縣上兩縣鄉民過淮於固始縣界梁安灘住約八百餘戶  
四千餘人又知光州皇甫侗言左軍統制劉興祖招接新息縣人戶四十  
餘家三百餘口歸正宰臣湯思退等奏累詔而淮州軍未須於境外招納  
歸正人兵將官毋得差人過界為國生事今此招納不已恐無以贖之乞  
令皇甫侗具析故有是詔十九日江淮都督府言趙不驤昨歸朝具說  
虜情虛實擬承信郎今於北地結約忠義豪傑欲補上官再遣山東幹事  
上令候有功正補諭輔臣曰茲難出命宜從處置四月十三日輔臣言  
建安鎮江府歸正人欲以忠義軍為名詔以忠義忠順別之因命以千人

隸蕭琦七百人隸蕭鵬巴前詔石頭城建置營屋以虞降卒令王琦選擇  
見係副將即遣正將正將即遣統領至是又製為軍名 五月二十六日  
輔臣言歸正人太平州添差通判劉蘇古以章祗臣求通未敢繼奏上不  
許上因語蘇古疑妄未詳王禹高為之使信用之必大誤國事潘思進等曰  
此徒多欲結納為國生事誠不逃聖鑒上曰今日之事當內脩政事外治  
邊防此須一切置之 二十八日詔淮東西歸正人在軍者計口給糧錢  
撫外百姓安泊諸州所宜寬恤見做官私屋屋住做錢不以多寡並減半  
有私輒增添以違制科罪許由所越訴戶下驛馬舟船官司並免差役見  
差使者即日給還淮東西商販依立定省則稅並減半如係歸正與販特  
全免三年令各路曹司大書文榜及諸處稅場咸使通知敢有違戾其名  
案劾重責吏人配流施行 同日詔自今歸正大使臣丁憂依小使臣於  
假百日外免持服 六月十二日詔 實揚 并都督府一時納歸正  
人出給借補名目今隸軍散居兩淮別無生計可令通路歸守索見元借  
補因依所補名目各若干人驗實經由三省樞密院當議優恤 七月三  
日詔歸正官已授替闕並依已注州軍改作見闕其未曾注授於江東西  
湖南路帥府節鎮其餘州軍各特更添差一次任滿注差令吏部照資格

即日擬給付身非朝廷合給付身關給臨安府參照地里五百里已下給  
錢十千五百里已上加百里增至十五千止仍依本等官給養磨以家  
屬口數隨養磨人日支百錢米二升沿路批支到日津遣之任 九月二  
十三日詔應歸正有差遣待闕並令吏部改添差見闕一次歸正在軍借  
補官資並兩資補一資帶闕職更增加一官凡在軍借補歸正還路帥司  
開具保明申尚書省仍令吏部榜發 十一月二十三日詔歸正官伍滿  
其間無力到部恐致失所失朝廷存恤之意令所在州軍按月支俸仍取  
陳求差遣狀保明申尚書省 閏十一月十九日都督江淮軍馬楊存中  
言北界歸正著軍無家累之人欲取闕如願給娶者有官充職事人給錢  
百千散軍三十千從主帥保明支給從之 乾道元年正月一日南郊赦  
書應歸正歸附人已降指揮各與添差差遣限三日給降付身祿其間有  
小節未圓見行取會之人所屬限十日注擬候盡絕日具數奏聞 五月  
十四日吏部言歸正官致武郎孫遇乞添差依紹興三十二年八月制晉  
歸正官有干差磨地曾歷三任差遣此附本朝曾經開陞親民資序添差  
親民都監不釐移遇昨在磨曾歷三任以上合添差親民都監為允從之  
同日海州歸正借補將仕郎徐子祥劉儼徐子說袁伯山借補海州文

學諱俊入並充樞密院勅士子祥等初求免文解以資援近旨自陳故有是命其求免解公據令禮部拘抹 七月八日禮部言昨登極赦書歸正人令所在州軍赴今秋解試其取人分數依昨流寓人例施行契勘流寓人試凡及十五人解一名餘分或不及十五人亦解一名今歸正人慮有不及五人處欲令豫陳本路運司類聚附試仍依立定人數取解從之 二年正月二十六日雖東安撫周淙言歸正人孫在不願歸乞改名孫安仍與浙東西一指使差遣上曰此人不願歸其誠可取宜更名仍與浙中合入差遣 二月八日給事中黃權東部尚書魏杞等言廬州進士劉惟肖工書陳獻兩淮急務利便欲將歸正官不許授官准差遣令歸正百姓悉移松江給以官田為業看詳歸正人今處邊面實為非宜謂可遷入近裏州郡更乞朝廷裁酌從之四月二十一日權刑部侍郎方滋言歸正歸附到尉依見法添差歸州軍聽候使喚不釐務緣今未有立定員數州郡多寡不均相度欲將到尉凡附吏部歸正小使臣差注員數立定帥司四人節驍三人餘州軍府監二人其已添差人許滿今任從之 二十七日三省樞密院言歸正人因功補授或官司一時擬借官資乾道三年二月有旨參定格日換給名目添差及許請勅士張康緣其中有依格不得換

給及已換補名目未差注并在外未陳慮無以贖因而失職今措置昨擬  
借官資令換補或不應格人欲特與補正一貢文臣經三省樞密院被陳  
差樞密院勅士指往江東西福建湖廣諸州軍其已陳未補正即具已繳  
付身因依自言朝廷如依格日換給因循未陳即令連繳付身在兩月限  
自陳非見從軍不願補正止欲填樞密勅士士就便州軍庫給者聽應  
借付身非從軍補正止係守關進勇副尉進勇副尉持令兵部與添差江  
東西福建湖廣諸司數祇候使臣一任詔並依如出令來所立日限不受  
辭仍令榜諭 五月十四日三省樞密院言補正人第降恩指換補官資  
添差差遣及聽陳乞充樞密院勅士指往江東西福建湖廣諸州軍或慮  
在旅程發無力詔臨安府歸正官以所授差遣州軍補充勅士以指松錢  
來州軍計程若干給券日支京官大使臣以上五百選人小使臣以下四  
百沿路州縣擬日批請令臨安府五日津遣出門到本州拘抹而已兵部  
言本部所隸歸正其中有非從軍不授借補付身到因功授正補守關進  
勇副尉進勇副尉職名欲依借補人一體添差以進旨即不該述詔依借  
補人已得指揮施行 二十三日三省樞密院言歸正人陳乞補正借補  
及差勅士添差差遣屢降恩旨及立定新格仍令臨安府等第給券津貼

之任尚慮三省樞密院諸房行違遲滯大旅張損詔三省樞密院諸房自  
今應見在行在歸正有陳若伯補乞補正亦許是朝省繳元借補付身徑  
送都丞檢正都司檢詳即日索驗翌日定擬差遣送合屬房分登時施行  
勅士亦即日追篆文官辦驗無偽次日送機速房給差剋追所陳人當官  
面給尚書省送都司樞密院送都丞檢詳給發訖報臨安府疾亟給奉津  
發仍令三省樞密院榜諭 七月四日武義大夫殿前司右軍統領開趙  
乞賜姓開并乞海州等賞詔陪官送郡上各轉行官 十三日詔楚州野  
貽軍見居歸正人盡實抄記委實乏不自存大人日給米一升丁小減半  
三箇月止其末州縣於見儲和糴未數給 十四日臣僚言日歸正人訴  
陳或住臨安建康府於諸路商販物貨乞用追旨下所屬給據照免沿泥  
津稅臣未見制旨全文而心疑其濫尋檢隆興二年五月之制淮東西商  
旅所販物貨依省則稅並減半如歸正人與販特全免三年乃知專指淮  
東西分明為諸路奉行之失也今看定應所在歸正人與販物貨或自兩  
販至諸路或自諸路販至兩淮在諸路則所遇場務依舊一例收稅在兩  
淮則全免庶使法簡而易行惠均而遍及從之 十七日詔貴州刺史高  
復差樞密院說項官兼添差兩浙西路兵馬都監臨安府駐劄上謂輔臣



曰高復乃向來膠西首先歸正聞亦甚貧已令黃樞密院覈領官并賜錢  
千緡魏杞等曰陛下存撫遠人既優與官職又加以賜資人非木石安得  
不捐軀節以報陛下之恩也 二十六日詔歸正文臣稟關帥府擬三員  
節鎮軍事州二員備差大使臣未有差遣并以待闕人如願改注見闕者  
聽以授缺先後依已注州軍撥填施行 十一月一日權尚書吏部侍郎  
李益諫言紹興三十年以後新復州軍歸正人依條制換補承信郎以上  
注監當差遣換補校尉注指使並不履務帥府亦許注授皆關諸軍揀汰  
不堪振帶使臣已授離軍添差人二年為任其中有稱係歸正相續據訴  
不願就離軍添差恩例乞改注歸正添差恩例歸正添差係三年為任與  
離軍年限不等其歸正人若就離軍添差任滿後更得歸正添差兩任不  
就離軍止乞歸正任滿後止得歸正添差一位即不得離軍添差若不措  
置恐詞折不已欲將做此之人若無的確干照可見來歷分明如願改注  
即與依見條改注歸正合入稟關一次如無見關注皆關任回即不許更  
陳離軍添差從之十二月二日三省樞密院言江上諸軍應轄歸正忠義  
初有借補名目各有等第權破衝官募錢其有已換給真命付身勘給俸  
料視借補或反不及竊慮無以曉諭沿江屯駐諸軍諸路總領所凡借補

付身換真命不及元請則創人與免錮減並依舊候將來立功轉本等名  
目即依條支破 十三日禮部言海州歸正進士劉之華乞依蘇三益例  
換給金國鄉試文據理為舉數勘會劉之華被陳於金國正隆二年正隆  
五年曾請州解試下竊詳金國類試方為得解蓋今州縣試之類即難理  
舉緣昨有特偽齊阜昌年請解並後金國鄉試中選許理舉赴將奏名試  
致以後舉援未已詔自今若此鄉試之人不許理為舉數已放行人免改  
正 三年正月十六日權尚書吏部侍郎李益謹言歸正恩例陳已添差  
皆從優厚並不召保參部復免書新繁書而法出嘉生不無偽冒鎮江府  
歸正人忠翊郎張俊承信郎曾勢各見從軍輟令姓蔣人偽填魏勝軍中  
發遣文據仍令代名陳注歸正差違法守等罪外恐尚多有之乞自今凡  
經朝廷陳乞歸正添差並召本邑保官二人結罪委保正身非承代及他  
人關道付身亦非見從軍人前連保狀並依見行條指任滿再乞添差准  
此從準本部揭板明示資絕冒濫從之 四月十二日主管殿前司公事  
王琪言先承詔旨招收山東歸正忠義充効用并續撥歸正官兵有丁口繁  
重食用不足之人昨蒙自四口以上按月增支三年今已滿期果罷恐遠  
關食詔展支二年馬步軍同此 二十六日建康府駐劄御前諸軍都統

制劉源言依已獲旨月增支歸北軍并忠義人口食米契勘諸軍管歸正  
北軍并忠義共八百二十八其中有官資已高請給優厚若一例更等第添  
支恐無甄別今相度見无統領將佐并請衙官十二人及七十七人例奉  
錢計六十二人更不增給衙官五人奉錢已下并効用軍兵計七百四十  
人等第量增家九口十口見今月添支五斗今乞更增支二斗四口六口  
見今月<sup>增</sup>支三斗今乞更增支二斗從之 八月十四日歸正待服張居  
實言蒙恩添差婺州觀察推官再任方及歲餘恩惠未傾喪飢寒迫切命  
在旦夕乞與免丁憂放行請給詔本州棧所得請給之數特作贍家錢支  
給候服闋日罷 十八日知樞密院事四川宣撫使虞允文言京西歸正  
人自三十一年以來其頭首人屢立戰功如楊大同成琳替朝杜海荀琛  
杜隱等又皆有謀為其部曲信服屬中亦知姓名今各無差違京西帥漕  
司雖曾申明而吏部拘以沿邊格法諸司既不能收存以資其力緩急恐  
有意外之憂竊見京西帥漕都統司湖北漕司襄陽府各有酒務日收息  
錢浩瀚今欲於帥司都統司各添置使臣十員京西湖北漕司各添置五  
員以準備差使準備使喚為名準備差使忠義統領各一半立為員闕選  
司量材計功參照資格擬差許先後更替月以酒務息錢供給不惟恩潤

治各有隸屬可以備緩急之用從之 九月八日歸正人支邦榮援楊  
京雄通理僞界月日陳欽蔭補詔將放行自今不許援例 十月九日尚  
書省勘會近旨歸正借補官資人差樞密院勅士往便郡月給錢十貫米  
一石錢於諸州軍公使庫酒息米於係省支給今聞州郡間以隆興二年  
罷舊勅士并今所差一祭沮過甚夫朝廷優恤之意詔逐路州軍按月放  
行錢米仍榜諭 四年三月二十三日臣僚言進勇副尉曹江稱自海州  
歸正曾立戰功乞再添差朝廷雖之以如此等輩數目張東恐援例而來  
重贖供億兵部屢却其求而哀鳴之詞猶未已也欲望將其間守關進勇  
副尉進武副尉人再添差一任裁置江東西荆湖南北福建路每州不過  
一名或兩名已足許令待次庶塞其所求無使歸由於上詔自今到部人  
令兵部鈐量人材身貌強壯中樞密院令從軍如不願可與添差散祇候  
一次 二十五日新除司農少卿總領淮東軍馬錢糧呂權言歸正之人  
數年以來痛加磨撫似有生理所給錢米當至乾道三年五月罷支臣曾  
申明蒙更展一年今雖租稅須更加存恤若再假以一年則庶幾矣欲望  
將運處歸正人所給錢米特更展一年庶有以見勞徭並集無窮之意從  
之 四月二日編敕所言殿前司已立定歸正歸附人轉補資給格法今

照刑部自前除歸明歸朝人依十資格施行外歸正歸附人比附歸明  
歸朝十資格其殿前司乃依効用八資格補轉各係先無分明條法不  
曾取裁止一時比附補轉今看詳既歸明人有十資格法歸朝人又已有  
紹興六年六月之制比附歸明格法其歸正歸附人不必別立法止依歸  
朝人比附歸明十資格法補轉施行仍移兵刑部殿前司日後參照從之  
六日樞密院言三衛江上及刑裏諸軍揀汰官兵并歸正人朝廷已優恤  
與添差差遣及分送所在州軍安插養老并支破錢米養贍尚慮諸州軍  
給勘官司非理沮難不為按月支給有失存撫之意詔諸路帥司行下所  
部州軍須按月先次支給毋得積壓仍委監司常切檢察如有違戾按勘  
以聞仍令戶部中嚴行下五月二十日刑部言歸正歸附到尉係比附  
吏部歸正使臣差注員數今據歸正歸附副尉陳依吏部續添差使臣員  
數注授又承乾道二年七月吏部措置條格於歸正文臣窠闕撥半差注  
武臣即令施行今員多闕少實滯差注欲望詳酌量增到尉員闕擬注施  
行詔刑部於諸州軍各更添一員七月十四日中書門下省勘會諸色  
人詣檢院投進文字已有約速詔歸正人投進文字並許收接取責審狀  
即希求任妄不依條論罪二十一日吏部侍郎兼權尚書同揆言紹興

三十一年以後歸正武臣已經添差兩任不許更陳又未有許準條到部  
注授明文恐無以激勸遠來忠義之心今相度凡歸正官武臣已經添差  
兩任並更與添差一次詔從之今任滿準條參選願從軍者赴承旨司呈試  
軍馬八月六日詔歸正官到部注授糧務差遣如在任有材業可稱首  
改官職今狀諸路監司帥守依公薦舉其薦舉武臣陞陟準此十九日  
知鎮江府陳天麟言前守臣呂權依奉詔旨根括歸正人得晉展支錢米  
一年臣到任接續據一體歸正人高琮等百餘戶四百餘口稱自紹興三  
十一年以來歸正自淮南挈移抵此貧乏乞依例賑濟竊詳雖非無根括  
人數坐視其困於情可憐慮此去歲寒徃徃有似前歸正之人欲望特  
降德音自臣到任後歸正續陳賑濟許以本府常平義倉米給庶遠來貧  
民不至失所詔鎮江府契勘琮等先度淮南何地作何營業州縣曾無賑  
濟列具來歷併到府因依中書省其後陳天麟言琮等委於紹興三十  
二年以後從濟南東平府及萊密等州歸正各家貧乏別無生理詔鎮江  
府高琮等五十一戶許撥常平義倉賑濟至來年五月終二十三日歸  
正進武校尉李史言與弟坤於紹興三十一年首先歸正弟坤蒙恩補右  
宣義郎換武功大夫天忠州防禦使出疆陲沒地外無復迎親迎寵請給止

給錢二百緡念臣累重乞聞死事之家詔建康府李坤每月元請給色請給更展半年正月為始二十五日詔兩淮歸正州軍心義有田產見耕種之人與兇戶下詔色差役五年五年正月十七日權發遣無為軍徐子寅言教請歸正頭首人傅昌等八名勸諭歸正願請田王琮等三百九十四名相視楚州界寶應縣孝義村山陽縣大漢村等地水陸閑田耕種欲每名給田一項五畝給甲推一名為甲頭就種田之所隨項項畝人數寡置為一莊每種田二名給借耕牛一頭犁耙鎌刀等各一事每家草屋二間與半草屋一間各種田一名借種糧錢一十貫契勸歸正願請田人全賴部轄勸率乞差元勸諭頭首人進武校尉傅昌等八名並充部轄先加借轉一官資楚州並淮南諸州軍自後更有歸正願請田人欲乞並依今措置施行從之三月一日詔樞密州歸過省進士徐濟川特補下州文學以濟川自陳在虜嘗發三解援青州鄭謨例乞推恩也鄭謨偽地三發解紹興三十二年詔與第四等恩例五月二日知樞密院事四川宣撫使虞允文言昨紹興三十一年軍興陝西在事軍吏及一時奮發忠義攜家歸正人數實繁其中有經戰立功後因病或創傷不堪披帶揀汰離軍緣始自對境來歸未曉文法出身文書多不備具漕司具文不放參注

今相度紹興三十一年以後歸朝歸正從軍揀汰離軍如付身不圖許依  
紹興二十五年三月五日之制於運司未有合格法人及無人願就稟關  
通注添差如無員關許藩府更添差二員餘州軍一員仍依吏部所朝旨  
並降等請給即於州郡省計侵損不多仰到朝廷存恤忠義未歸之人從  
之六月二十二日三省樞密院勘會陷沒歸正之人歸來既久事宜一體  
凡有所陳難以用歸正入衙詔所屬中嚴行下恩例即仍舊 十一月二  
日大理正措置兩淮官田徐子寅言被旨勸諭歸正人并勸士置莊耕種  
緣皆係流離全仰守令撫存俾之安業今聞全不仰體德意有追胥煩擾  
而拘督課子者有因緣踏田而輒收繁業者或巡尉以捕盜為名而騷擾  
者逆使披訴無路如日後守令更有若此違戾欲列上官吏姓名伏望重  
作施行從之 十日大理正措置兩淮官田徐子寅言近降指揮武鋒軍  
屯田官兵並罷其田并耕牛農具等交付諸郡募人請佃緣子寅被旨勸  
諭歸正人耕種竊見所罷屯田其中楚州寶應縣一莊見以歸正人成忠  
郎賈懷恩管轄楚州山陽縣馬梁一莊歸正人進義副尉王知彰管轄欲  
乞下楚州并武鋒軍列具二莊所有耕牛農具屋宇種糧等盡數撥付官  
田所仍就差賈懷恩王知彰管轄耕種從之 十二月三日鎮江府言右



宣敕郎王守道乞唐勛勛會王守道係歸正白身補宣義郎堂除添差不  
釐務已經兩任合依無出身初補京官到官四年須釐務二年唐勛無舉  
主更展二年守道係歸正例止差不釐務即無舉主釐務月日委防唐勛  
詔吏部凡歸正補授京官之人依奏補以添差不釐務日計理年限不以  
有無舉主通理六年放行唐勛六年二月十一日司農寺丞措置兩淮  
官田許子中言竊見建康府都統司和州無為軍屯田軍兵並罷今欲以  
此田均給歸正頭首林本等人及存留元管轄將官使臣等其林本等各  
候已拘集人就耕依淮東例差充頭首人管轄詔許子中於揀汰使臣內  
選擇存留餘從之十九日知鎮江府陳天麟言被旨根括歸正人顧政  
等三百十二戶并括括資蘇金房興等二百四十九戶許本府於常平義  
倉賑濟展支至乾道六年五月終類皆貧乏別無生業欲望特降德音更  
展支一年庶幾小民始終得霑恩惠從之五月二十七日詔陝西河東路  
敢勇効用川陝宣撫司擬補効用川陝義兵及歸明歸朝歸正歸附等人  
并陣亡及借補守闕進義副尉進義副尉守闕進武副尉進武副尉下  
班祇應並隸兵部六月二十六日三省樞密院言諸路州軍歸正大小使  
臣校副尉下班祇應効士及無名目人各家長成子弟多有武勇材能少

壯願立功名之人若不隨宜招集習閱慮無以嚮進詔諸州軍守臣選擇  
招集舊定仍以衆所推伏統率教閱等第支給錢米仍月按閱事藝稍強  
料量犒賞先以籍定來歷因依年甲鄉貫職次姓名上三省樞密院候招  
收人數單守臣當職官優賞十月三十日權尚書兵部侍郎兼侍講王  
之奇言伏見國家中原陽絕迄今逾三十年人心愛戴如昔前後遠來歸  
正之人立功來歷不等昨詔與三十年朝廷隨宜推賞委實優重後屢因  
有司沮格及臣僚奏請裁減過當所以輕重不倫沮抑遠人懷化之心恐  
非陛下章及四海之本意欲望詔三省樞密院以前後歸正人以推賞補  
官科例及文武奏薦理年士人理舉并給田支給口食等事先次編類等  
第條目列具參酌輕重立為定制有司得以遵守可免推補不均胥吏高  
下為弊及留滯之患詔所屬具中三省樞密院十二月三日右統衛大  
將軍殿前司選鋒軍統制趙良輔果遇郊即加封贈其父孝恭特贈親衛  
大夫宜州觀察使母王氏贈郡夫人妻王氏封淑人良輔仍照條封爵邑  
從所乞也七年二月三日權知秦州措置兩淮官田徐子宜上言肅懷  
恩管轄歸正諸莊存恤有方欲令統率緣懷恩見任御前武舉軍統制兼  
楚州鈐轄恐懷二任力分或蒙免其軍職止為鈐轄伴導轄諸莊則事任

歸一乞正差免楚州鈐轄專一提點官田所諸莊從之 同日御前武鋒  
軍統領提點官田所諸莊實懷恩言歸正人朝廷已招收給牛具種糧置  
莊耕種竊緣其間猶有未處業者乞下官田所將歸正歸附人業者給牛  
具種糧置莊耕種如已有牛具即令結甲隸頭首人部轄依已獲者免稅  
役十年無廣招集以備他日緩急使用詔除子宣專委實懷恩措置招集  
八日詔應紹興三十一年前歸正歸朝歸附文學選人京朝官以上如  
添差任數已滿令吏部特與敘行添差一位 十四日冊皇太子赦書應  
紹興三十一年以前歸正歸朝歸附文學選人京官以上如添差任數已  
滿令吏部特與敘行添差一次 四月二十五日敕文閣直學士降授左  
朝請大夫新除知揚州晁公武乞勸諭歸正不措農務之人充安撫司勅  
用使喚從之臣虞允文等因言徐子宣以此輩若盡招募不過百餘人乞  
且以一百人為額其餘未仍於淮東鹽司增收稅息錢內支上曰甚善子  
宣時權知泰州措置兩淮官田 五月二十八日樞密院言勸會已降指  
揮除奏補及諸邑出身人並於所歷考任內須實歷州縣職事或諸司官  
屬一位二考方許通理前後關陞注擬親民案關其歸朝歸正之人未有  
該武歸朝歸正之人依自來關陞資格施行 六月一日建康府駐劄

御前諸軍部統制李舜舉言近被旨內外諸軍除合用將佐差置餘剩差將佐之屬即日並罷歸正忠義北軍統領將官并沿淮巡檢屯田等官蕭整等八十員并不干預軍事若一例令罷恐失撫恤之意欲且令依舊自今更不別差從之 九日吏部言南都故書歸正歸朝官并與通本朝及偽地補授年月照應年限放行蔭補今欲照應紹興三十一年已經虜地曾歷三任比附本朝曾經開陞親民資序人注授差違之刑理作開陞遇赦放行蔭補歸正官武功至武翼郎虜地不曾經三任已上差違又不曾經本朝開陞親民資序及自轉武翼郎後正該一遇大禮所乞蔭補難以依行從之 十三日秘書少監兼權兵部侍郎周必大言日換歸正并曾從軍下班祇應年七十以上人陳求添差緣宣和舊法一例不行詳宣和前所未有歸正及揀汰離軍之人止謂在班年及七十即與今日優恤歸正及從軍人事不相準欲望將歸正并曾經從軍揀汰下班祇應年七十以上人依大小使臣及校尉尉見條放行注授添差庶幾有以激勸忠義從之 八月十八日吏部言歸朝官每州添差六員間遠州郡多不指授欲令歸正人備使歸朝官闕以三分為率借一分差一次從之 同日吏部言紹興三十一年以前歸正之人添差即無立定員數多寡不均欲令吏

部四選兵部通立員額差注帥府三人節鎮二人餘州一人各選置籍榜  
示開會擬注從之 同日吏部言舊旨歸朝官每州不得踰六員欲將紹  
興三十一年以後歸正副尉下班祇應於歸朝官闕借使一員止令副尉  
下班祇應權通差一次從之 十二月三日觀文殿大學士知紹興軍府  
事蔣芾言右宣義郎添差通判紹興府王德誠身任政德誠紹興三十一年  
首先歸正今男女幼小素無生理依乾道六年赦書月贍常年錢米止  
得一年恐未能上副朝廷存恤遠來歸正之意竊見王德誠累獻文字方  
畧可採蒙聖慈循資繼又改秩與尋常歸正格體有別欲月給王德誠家  
錢米接濟俟兒孫長成罷給廩不失所亦使遠人有以激勸從之 八年  
三月十三日詔永免文解襲慶府進士徐中夷令赴特奏名試以中夷係  
歸正人兩經省試年分法當特恩也 十六日詔南京免解進士宏翔將  
令赴特奏名試翔在虜地當得解後歸朝累乞赴今試禮部方特其事翔  
自言已請六舉而有是命 二十一日詔諸軍見管歸正忠義累重計口  
添支之人更展支一年 同日歸正車定將補正兩資陳進特轉兩資以  
二人幹事忠勞所乞換補雖稽限特命之 二十三日詔特奏名進士徐  
中夷劉之華宋翊顧之古邢宏之各係歸正依歸明人子孫條例陞等

四月十五日湖北常平司言鄂州有紹興十一年至建炎年歸正人年深  
各已樂業有同土著今乃欲同三十一年以後歸正人指赦書求康給慮  
難以從詔紹興三十年以後歸正人照赦文賑濟六月五日詔兩淮歸  
正人所耕田土州縣撮收課子特與蠲放仍更展免稅役三年其見在淮  
南居住校尉以下名目歸正人令帥司監司索見人數保明以聞各隨名  
目高下添差近裏州軍聽候使喚十四日詔大理寺簿籍李宣等安豐  
軍壽春安豐等縣開田共撥撥一百八十七頃三畝給赴歸正人二百十  
七戶為業開耕自乾道九年始通免課子十年二十四日權發遣和州  
胡與可言和州屯田莊昨被旨招召歸正人耕種下馬監一莊給歸正林  
本言七十六戶依淮南運判呂企中建請佃客六分官得四分竊詳林本  
等遠來歸正無家可歸欲望惠利全免三五年底仰稱朝廷優恤之意詔  
免三年呂企中奏請七田已見七月三日上語輔臣曰歸正人元旨許  
添差三任如已經三任別無生理必致狼狽更差一任八日武節丁遠  
等言各係紹興三十一年以前歸正依乾道六年十一月赦恩當添差一  
次緣即今兩湖江東西並差足止餘二廣東重難挈乞依舊從便注授一  
任從之十四日直徽猷閣權知廬州主管淮西安撫司公事黃提舉措

置屯田趙善俊言朝廷頃者脩復舊制分兵屯田誠為至計然有甚不可  
者臣請罷屯田以歸正人居之詔廬州見差建康軍官兵屯田並罷田佃  
牛具等令趙善俊盡數收籍許歸正人請佃 十八日三省樞密院勅會  
軍器監丞趙果於紹興二十七年結約忠義石度威等遠赴朝廷陳獻虜  
情虛實編錄嶺南今已身故忠義可憫詔趙果特與一子下州文學二十  
三日直徽猷閣權知廬州趙善俊言得旨廬州建康府屯田官兵并罷令  
歸正人請如數少募人租種其田並極膏腴應官吏士人冒名請佃欲望  
特降睿旨官吏士人不許冒名承佃外專一均給歸正流移等人耕墾庶  
幾絕冒濫之弊從之 八月二日權發遣安豐軍高慶言歸正人除給田  
耕種外有一百五十七戶并借補官資二十四人既乏營生人無私田足  
致不能自存今措置未有處業之人人戶給田五十畝牛一頭犁耙農具  
之屬仍執行在擇借補官資一人為首而統率之戶大約以六七十為  
率伏望給降錢會二萬貫付臣措置施行從之 九月八日權戶部尚書  
楊侯等言沿邊人自北來歸即與兩淮歸正事體同今欲一例給田耕種  
依已行之制更展免稅役三年從之 二十二日歸正人王興偽造虜地  
黃牧等冒換本朝官資差遣刑部約法比附詐冒蔭補徒三年上曰歸正

人撫之不爲不厚雖偽逆虜中文字然已行用另取官錢豈宜輕貸配隸  
新州 十月一日中書門下省勅會歸朝選人備資改官已有定制緣歸  
正選人未有該述詔歸正選人並依歸明歸朝人詔興五年十一月敕旨  
施行 五日樞密院言詔興三十一年以後歸正依舊添差四位子孫後  
因奏補或致仕恩澤補授名目即不得添差其間或父祖亡歿頓失俸給  
理在優恤詔興三十一年以後年十五以上隨父祖同歸正子孫因奏  
薦或致仕補名目人如父祖亡歿與敕行添差兩次餘人參選注授 二  
十七日兵部言去年八月詔本州所管歸正副尉下班祇應與吏部四選  
通立員額今吏部武節郎丁達等稱割東西員足乞舊舊注從便之所本  
部所掌副尉下班祇應亦一例有陳契勘昨所立員額大狹以致差注不  
給若許一切從便必競往近便郡豈無偏重之弊欲乞以歸正歸附副尉  
下班祇應立定員額帥府節鎮二人餘州一人從本部準條差撥一次從  
之仍令吏部照兵部措置一體立額 十一月二十六日樞密使四川宣  
撫使王炎言右承奉郎監漳州南嶽廟曹偉明先因陷虜收贖本朝舊別  
不受偽命至軍興歸朝備見忠義今偉明乞添州鳳州推官望從其請詔  
可 十二月九日四川安撫使司言詔興三十一年以後歸正無差違及



身故之家係建炎四年之制計口給以錢米昨軍興前宣撫吳玠隨宣撫  
置別立支例今四十餘家散處四川若遽裁損慮失初招徠之意欲更支  
五年限滿一依舊例紹興三十一年以前歸正人歲月誠深宜罷紹從之  
限滿照建炎四年九月紹興三年六月敕旨州不得過十戶不得過五  
口一等計口支給養濟十月權京西運判張揀言兩淮歸正人所耕田  
州縣撥收課子特蠲仍更展免三年竊詳京西沿邊與兩淮同亦乞展免  
三年昨有旨歸正人許隨便占田表立頃畝為永業沿邊闢田甚多恐州  
縣運理抑遏望申嚴禁止即有騾馬舟船及能工作技藝等人乞並免役  
從之同日權京西運判張揀言歸正人已經十年雖有善於營運成立  
家資者其間豈無鰥寡孤獨飢寒不蘇自存之人欲乞五家為保五保為  
一甲貧可矜者許甲頭保明白官驗實人支米一升候稍充給止戶部看  
詳結甲支米不指所欲用若依所陳即當以常平義倉及不見以何時起  
止乞下京西常平司契勘列具施行從之

宋會要

卷一百一十五

乾道元年閏正月四日詔襄陽府歸忠義首領楊大同司環等三十餘人  
下東西湖北運司特再任一次以四川宣撫使虞允文言大同等向在  
歸正忠義顯著理宜優恤也二月十五日知揚州淮南路安撫使王之  
奇言歸正人見任添差不釐務差遣朝廷與之康祿不任以事蓋欲優之  
也其間有懷材抱藝思欲自奮者不無遺逸滯淹之嘆欲乞所在州軍歸  
正添差不釐務官自鈐轄路分以下許臣選擇量材器任仍不妨所居職  
責人無遺才事無不濟從之二十一日知揚州淮南路安撫使王之奇言  
近者指置寬恤民力欲將凡歸正有官無差遣未經四任添差人在本路  
居止者許列上與添差一次年老貧乏鰥寡不自存之人亦許勸量分送  
本路次邊豐實州軍並以人口等第支散錢米依元旨令本州以積留撥  
收三分課子給從之三月十二日詔諸軍歸正忠義果重計口添支之  
人特更展支一年七月二十八日臣僚言近年以來四方州郡無有遠  
邇例皆窮困不能校梧紹興三十一年以前歸正從便指射州郡注使差  
遣未曾立額乞下吏部立定員額施行吏部勘會紹興三十一年以前歸  
正官大使臣自今立定員額帥府三員節鎮二員餘州軍監一員仍許以

今立定員數依紹興三十一年以後歸正官差一政待闕承替見一八  
使臣比大使臣員多欲乞凡紹興三十一年以前歸正官自今立定員數  
帥府六員節鎮四員次州軍監二員從之 九月一日樞密院言建康府  
駐劄都統制郭剛等具見管北軍內願離軍人有旨並罷從軍特加轉官  
資添差江西湖北路州軍差遣令照湖南武岡茶陵永邵金道郴州桂陽  
軍地遠慮艱放散掣却非朝廷優恤之意詔湖南南路除潭衡州外其餘州  
軍並免均差以諸處各分差員數均入湖東福建江東江西路隆興府到  
都監一員準備將領十二員指使二十三人贛州正將一員指使二十四  
人吉州正將一員監當一員指使二十四人袁州筠州監押各一員指使  
三十三人與國建昌臨江南安軍指使各二十九人其餘以是為差從之  
九月十六日詔歸正曾為首領僧童和尚王智潤陳守靖劉法清各特  
與紫衣師號 十七日東義郎利州後軍統領官王安國具歸正人姓名  
詔四川宣撫司富實推恩於是王去惡王安國轉兩官陞一等差遣楊師  
中劉子李成劉崇元轉一官陞一等差遣費洪賓武郭海孫彥元王勝趙  
斌尹輝王俊李宗道李忠實師孟馮輝周琪各轉一官資王振等十三人  
各轉官資有差王振等七人歸正虜戮其親屬優與陞擢亡者官其子

二十八日權發遣襄陽府主管京西南路安撫司公事陳從古言歸正人  
焦彭年高振鄧阜用張用范思寧張清陳資陳瑋馬伸等九百五十九戶  
已均賑濟所存米六十餘石度僅支三兩月日復盡無以給欲望準例更  
支撥米二三萬石接續賑濟以慰歸正士民之心詔於撥管米更支萬石  
十月七日樞密院言得旨鎮江建康府離軍歸正北軍各補轉官資添  
差陞等差遣州郡多方安恤慮各州無官專行奉行因并失朝廷存恤之  
意詔逐路漕臣行下本路州軍各差通判或簽判專一主掌俸給廩宇等  
務全按月便愜他謀請役一從優免月具已支員數并錢米名色仍其所  
差職次姓名上樞密院十一月三日樞密院言鎮江府駐劄御前諸軍  
有忠義歸正人見充軍職任及舊係頭首至今開闢無職事泛居行伍深恐  
未稱其才詔令親帥常川一一審覈來歷因依見充職任并舊係頭首開  
於行伍逐色人數職次姓名申樞密院取自任使十一月十四日樞密  
院言選歸軍忠義將北軍歸正官兵亦有筋力衰弱并不願從軍之人詔  
並罷從軍校尉以上各特轉兩官進武尉尉以下各轉三資並於正職名  
上收使無名目人並白身効用各特備三資軍兵改作白身効用各特補  
三資並依今均定州軍員闕添差正將特與諸路正將准備特與安撫司

准備將領訓練官隊將與諸州兵馬監押餘令吏兵部與歸正添差各  
陞一等差遣仍各與併支請給兩月所有原給付身納糧審院仍令殿前  
司量支路差人津送任所逐州常切存撫 歸正官 淳熙元年正月四  
日乞范溫昨不從偽命將帶一行馬軍前來已教行添差了當所有范溫  
子孫令吏部與添差合入遣一次 三月二十八日詔歸正婦人尹氏將  
與封郡夫人白宗顏將與補承信郎張彥直將與補進武校尉今宣撫司  
並與將添差見今居止州郡合入差遣 尹氏狀昨日進兵收復陝西日  
尹氏夫千戶白沂密令尹氏將帶男女女將歸朝白沂未幾被戮男白宗  
顏塔張彥直自歸朝之後未曾保奏推賞故有是詔 七月二十七日詔  
保義郎殿前司左軍權準備將張昂與將一官罷從軍將添差浙東州軍  
監押以昂狀稱本貫南京毗陽偽地擬圖來歸移次壽春府居止結納到  
本州上表李協與安豐水軍統領孫立等表裏相應收復壽春府率領在  
州軍民士庶萬餘戶於當年七月首先歸正蒙都督張浚收錄偶太平州  
通判劉蘊古違書詔臣期於協力同致功名不意蘊古包藏禍机令臣持  
書交通虜境臣以忠義未歸不容隱默晨夜趨伏闕下發其私書違禁詔  
獄鞫得反狀臣始蒙恩差充殿前司準備使喚而殿帥王瑛將臣作從軍

附籍收使雖曾蒙本司訓諭官自差充權準備將首尾十年既無供納又無衣賜料錢乞與臣一墮擢或派差外任差遣故有是命 八月二十八

日江西安撫使龔茂良言已降指揮應歸正忠義人當時借補官資今逐路帥臣取索付身審驗元補因依先令帥目換給文帖候將來立到新功再補正竊謂不若且令各換元得付身依舊收執候將來立立功勳并與酌度換給從之 九月十四日詔朝吏優恤歸正忠義之人月支請給務在養育以備使喚遇有不循官守之人妄以看覲請假為名擅離職任往來邊淮妄言事端撰造違報委足違戾不得楚州高郵軍府貽軍照會如托故在假或擅離職任委監司守臣按劾以聞 二年正月九日詔吏部將已借歸朝官閔許差替人一次 上年七月三日降旨未如之 三

年四月十五日知襄陽府張子顏言武義大人前利州兵馬都監孫傳元是鄧州襄戶因紹興三十一年內歸正蒙朝廷補官後來任利州路兵馬都監任滿後來有差遣見居襄陽其人科捍有謀習練邊事欲量材任使詔孫傳差權發遣荆湖北路兵馬都監 五月二十五日詔東義郎張德元與轉修武郎除閤門祇候 以德元狀昨在北界虜命校忠勇校尉擊老幼前來歸朝蒙招討成閤將德元同銀牌傳整發赴朝是各蒙恩補授

官資德元補授成忠郎內白身人傳整補授修武郎又蒙聖恩特轉正使  
德元元授虜命忠勇校尉比附聖朝品格係武翼郎乞將德元比附忠勇校尉  
補授官資故有是命 九月二十日淮南運判張士元言教武郎閻門祇  
候高顯來歸本朝其所管歸正人皆給佃田土並各著業高顯見居新州  
家貧業重未嘗注授詔高顯添差權發遣淮南西路兵馬都監新州駐劄  
不釐務請給人從並依正官例支破 十一月十二日南都教紹興三十  
一年前後歸正歸朝歸附京朝官大小依臣選人文學校尉尉下祇祇處  
如添差任數已滿之人可令吏部特與教行添差一次應歸正進勇副尉  
守關進勇副尉添差歸州軍監祇候使臣任數已滿特更與添差一次  
其有無力到部陳乞之人令召本色保官一員錄白付身赴所在州軍陳  
乞批書保官印紙取索付身委官點對保明繳中所屬添差施行 四年  
二月十九日詔吏兵部將歸明蠻徭人見務窠關內留三十關注本  
等八外其餘目今見關權借差注起與三十一年以前歸正合得歸正恩  
例添差人一次仍先注歸正恩例添差任數任最少之人 九月十五日  
詔自今承代歸正人名關者必要有歸正干照所有恩數除遞減外盡以  
與之或無干照承代者止許於該軍承代格法如數減至承信郎以下者

却依舊來歸正十資格陞轉 五年十一月十五日詔殿前馬步軍司見  
從軍歸正歸附下班祇應歷過在職十年放行磨勘改轉兩官依十資格  
法轉進義校尉如在職未及五年候及五年亦依歸明歸朝人磨勘體例  
改轉進武副尉 六年二月二十七日詔歸正添差諸州差遣人其間事  
故多有承代冒請今逐路帥漕司行下所部州軍自今遇有事故人口下  
取索付身科錢文曆分明批鑒訖給還本家如無家累即行拘收檢中樞  
密院 八年正月二十七日宰勢進呈平江府添差歸正等官及揀汰使  
臣等一歲請給自乾道八年以來每歲計支二十餘萬貫自淳熙七年一  
年只共一十一萬貫緣經王佐嚴實於法合支者方支所以歲減十餘萬  
緡之費詔平江府自今依淳熙七年則例支給如有增差到員數別具申  
奏 九年三月二十六日詔諸州軍保明到忠順官滿年當居祐等一百  
五十一人並令再任自今諸州軍繳申到錄白文字到付吏兵部日下出  
給付身其出給到付身並赴檢詳所送納 七月二十四日詔薄處厚特  
補承信郎先是處厚父武功大夫忠州刺史殿前司護聖步軍額外統制  
薄壽稱歸朝日久同來歸朝千戶任壽言李元等各蒙恩與男補官了當  
乞依例特補官資故有是詔 十二年十一月二十二日南郊赦詔與



三十一年以後歸正京朝官大小使臣選人文學校尉尉下班祇應任數已滿之人緣添差不獲務不許開陞將來有礙蔭補自今可令吏兵部依官序人先次注授正闕差遣將副以上隨才擢用或願就官觀藏廟者特許陳乞一次內在數未滿人願依舊添差者聽其詣州忠順官候滿七任日一體施行

十五年朔望日

十三年正月一日慶壽赦歸正官添差任

數已滿人依郭祀赦文先次注授正闕差遣將副以上隨才擢用願就官觀藏廟者特許陳乞一次內有得闕之人若已終到太府寺料磨其本身料錢衣賜依條合行幫支并官觀藏廟亦有合得請休尚慮州軍自立員額不即放行未稱優恤之意可令所在州軍並與按月幫助如或拖欠許經監司陳訴五月十二日詔注授正闕差遣人特免延使一次限一位回依條施行

二月十二日詔歸正添差任數已滿之人如有智畧沈雄弓

馬精熟堪從軍者在內許侍從兩省臺諫三衛在外諸軍主帥及監司郡守不限人數各具才能事藝保舉聞奏仍令樞密院置籍五月十五日詔前添差湖西馬步軍副總管閻趙忠義來歸憂居平江府可令本府每月將支錢一百貫米二十石朕闕日止士人淳熙二年正月二日詔海州進士王元佐今該免解進取進勇副尉文帖徹中毀抹却行出巡理年

免解公據 王元佐狀昨於北界詣到鄉試院文解所有北界得解公據  
昨準禮部反案換給到理舉公據訖緣元佐自歸正之後因措置守禦及  
陳利使係軍功補充進勇副尉元佐不願祇授今來淳熙二年省試即係  
理一十八年免解故有是命 十二年十月十七日詔歸正歸朝歸明補  
官之人親子親孫願應舉者委的見隨侍在任所別無赴試去處令召陞  
朝官二員結罪委保今見任州軍陳乞本州勘驗得別無詐冒取索印紙  
分明批書事因從本州知通結罪保明送本路轉運司與礙格有官及門  
客等人混試施行 軍兵 淳熙元年二月十三日詔沿淮歸正忠義內  
有武勇出衆材智過人曾充頭目者委官招集發赴樞密院審察量材使  
喚 三月十四日詔開前步軍司建康鎮江府諸軍武降軍見管歸正忠  
義口累重大人計口添支米數特更與展支一年 二年 正月七日詔諸  
帥漕司行下所部州軍令守臣將添差歸正北軍開少住  
屋之人疾速措置修葺蓋屋宇限半年了畢應到一處居住毋致闕候 三  
月二十七日詔昨離軍北軍令諸路州軍自今並以離軍忠順官為名  
七月三日臣僚言昨降指揮諸軍見管歸正北軍並與陞轉官資添差諸  
州軍路分都監正將準備將監押指揮使不曾立定幾年為任乞依見今其

他歸正官例並以二年為任任滿別與其他州軍差遣詔並以三年為任  
任滿今通州中發赴部與添差恩例注授 四年十二月二十四日詔歸  
正歸朝歸明忠順官 及據汝離軍官見各添差歸州軍不釐務差遣別  
無管幹職事其間雖有藝能無以自見今諸路帥臣於本路通州委選上  
兵官一員專切管轄依軍中階級法通州各別置教場五日一次並赴教  
閱尋常亦許習射擊越內年六十以上及添差總管路分幹轄州縣諸並官  
至橫行以上者免教願赴京聽每歲春秋二季合赴本州教閱內有事藝  
精熟人優加犒賞若事藝傑出者守臣及所委兵官連銜保明申樞密院  
十四年五月二十五日樞密院言內外諸軍官兵并歸正北軍各有立  
定據法年分唯江池州歸正北軍未曾具到深慮有年老病患願離軍添  
差外任等人合行優恤奉旨令主帥將離軍之人逐一契勘年甲姓名職  
次仍問願就是何州軍保明申樞密院 江州縣別御前諸軍都統制趙  
永寧申歸正北軍年老病患一十六人願就江西等路州軍一十五人願  
減半請給在軍養老一名情願離軍及願就江西等路州軍安排一百二  
十四人於內多係入隊人數不願離軍五十五人池州縣別御前諸軍副  
都統制李思忠等申歸正北軍願就江東軍六十二人願就江西州軍一百

四十六人不願離軍二人除不願離軍人外詔並與罷從軍校尉以上各  
將與轉兩官進武校尉各特與轉三資無名日人并由身効用各特與補  
三資軍兵改作白身効用各特與補三資令吏兵部均撥江東西諸州軍  
歸正添差各陞一等差遣仍並支積餘兩月 十五年正月九日戶部言  
行在州軍糧料院指定今來強勇軍効用元每日請錢二百文米三升轉  
授前項名日即與殿前司射中鐵箭有為効用事一同其効用元請一十  
五貫文米一石聽候使喚元請錢一十三貫文米一石照得殿前步軍司  
雖無似此則例今來既過人射中鐵箭轉授前項名日難以却行減落錢  
米未合照應舊請錢米批放詔並特與免減以淮南東路安撫司言強勇  
軍効用戶政等狀各係淮北土畝昨於紹興三十一年內前來歸正蒙批  
充安撫司歸正強勇軍効用各人日支食錢三百文米三升奉旨令強勇  
軍効士効用聽候使喚依江上諸軍體例射鐵箭一次數內除守關進勇  
到尉強勇陳寶一名分學務處殿前司收管外實管七十六人內三人  
各補充進勇到尉七十三人各補充守關進勇到尉比舊請各有合減  
落錢米乞下淮東總領所照依江上諸軍體例將改等補官資於各層內  
聲說批放免行減落請授錢米送戶部勘當中故也 歸正人 淳熙元

年七月十八日詔關外四川沿邊諸處及金州上津皆有歸正人今四川安撫制置司行下都統司常切存撫毋令失所 十一月十日詔昨來歸正之人竊慮其間遇有死亡人口無力營辦葬地可令歸州軍海州路近城外附近寺觀空閑地段從便埋瘞毋要同行一名看管候及三年給降度牒仍令支錢埋殯內大使臣以上支錢五十貫小使臣以下支錢三十貫父祖并妻并各減半小口又減半文臣無力之家比附支給以為棺槨之費 淳熙三年六月十九日詔歸正人東南到無業雖已優補官資添差差遣其間慮有貧乏之人不幸身故無身埋瘞昨已等第支降錢物使其營辦葬事及優恤其家今來添差兩浙西路馬步軍副總管關趙置到山地建造庵舍特賜名廣惠禪院仍令常平司撥賜係官田五百畝充常住以開趙言昨來將帶忠義歸正人數頗多其間有死亡無地安葬趙已就華江府閩門外買到山地三百餘畝作義墳許西北忠義死事之人任便遷葬又於山畔自備材植建造庵舍以奉釋氏乞賜院額故有是命 二年六月二十二日詔忠義人附身有冒名之人限一季許繳還真本後詣所屬自陳與依詔軍已得指揮遞減放行內忠義人若承代後未曾經親身立功即依今降指揮施行 九月二十四日襄陽府守

臣張子類言襄陽居民多係歸正人往往貧乏不能自存前後帥臣陳乞  
到米支給賑濟盡絕止有謝師稷陳乞米一萬石除支外見在四千六百  
餘石會計可支一兩月乞於本州撥管米內支降米三二萬石接濟賑濟  
詔給米二萬石 閏九月二十一日詔楚州山陽淮陰縣歸附人戶張琳  
等合納課子與依歸正人例蠲免 三年正月二十日詔訪聞見有西北  
歸正歸朝人自乾道九年赦後部陳乞賑濟委官履實保明方與放行竊  
慮迂枉却致失所今州縣覈實保明申常平司先次放行賑濟 四年四  
月二十五日詔歸正人令從便營生外兩淮江湖係官田土甚多每戶給田  
十二畝三人以上給二十畝願備牛具種糧者與增一倍每戶給草屋  
二間三人以上給三間人數雖多不得過四間其合用農具種糧從小州  
措置應到仍專委甲頭掌管流通融使用每遇發人之初耕不能耕種  
養贍却恐闕食從本州計口先支錢米大人日支米二升半鹽菜錢五十  
文小兒減半候及一年住支歸正官子孫父祖曾任差遣今已亡歿別無  
康祿養贍今所在州軍於合給田屋等數上以十分為率增給五分諸縣知  
縣悉意遵守仍多方存恤勸諭力耕不得分毫違擾奉行勤恪情願  
著當議先次推恩具或城製造度委監司按察撫過田畝並與免諸般科

役租稅十年 五月六日詔諸州軍守倖各將部內歸正人從寄審察如  
果諸曉時務將身履謹連街保明申樞密院 十月二日詔四川制置司  
總領所照應昨兩淮江漸給田指揮措置拘籍係官田畝給歸正忠義  
人及子孫無庸祿者 六年五月二十日詔元係北界歸朝人不拘年限  
放行養贍外有元係本朝陷偽歸正人自養濟後已請錢米及二十年者  
委知通鈎究若有子孫經營耕種及已請佃官田來無依倚之家即行住  
罷將實係貧乏之人填闕 二十四日襄陽等臣言管下歸正 忠義人  
見有一千九百餘戶其間多少壯曾經戰闕之人今京西路多荒田欲隨  
口數多寡給付各令依營田例耕種仍免十年差科稅賦使之各有所歸  
從之 既而又言本州管下荒田多為土豪廣作四至占攔不令指請地  
土廣闕不能開耕今除廢老殘疾并充保役外已有歸正忠義一千一百  
九十戶情願請佃官田耕種已將退下屯田照數給付俾寫到逐戶單甲  
姓名一本進呈詔京西轉運同襄陽府詳今來所奏事理照應淳熙六年  
五月二十四日已降指揮施行 二十六日詔歸正人高允中忠義可嘉  
今湖州支破勛士請給 九月二十一日臨安府根勛歸正人韓顯忠等  
供證詐冒授官共一百一人詔為經大赦之後可令逐人限一月陳告改正

特與免罪淳熙十年九月十一日詔昨顧忠首歸正冒名承代名目一百二十餘人已行追官免罪內有曾經出戰堪披帶人可令承晉司審驗拍試許令從軍支破進勇効用錢米九年九月十三日明堂赦西北歸正歸朝庶明不忘祖宗德澤遠來內有老弱孤貧無依倚不能自存之人仰州縣覈實保明申常平司取見詣實特與賑濟一年十二年十五年許同處歸正之人去秋旱傷今夏大雨廬舍漂蕩常平米止有二十餘石賑濟盡絕乞於本府寄撥大軍米內支降應到賑濟詔支五千石十三年三月十七日宰執進呈知楚州殘之望中本州管下歸正三十五莊今來抽摘糧壯令在家閱習武藝乞令依忠勇効例令家許置弓矢上曰前此初歸正其心尚可疑故禁置弓矢今其居已久可依所奏六月四日戶部言乞下江淮湖西荆襄四川路轉運司知歸正人輒敢將已前并今後請射到官田典賣與人賣主及買人一例斷罪命官中奏取旨其田籍沒入官買人價錢亦不追理仍許人告其官山不許借貸歸正人如有葬埋聽買地安葬從之利路提刑司申諸路歸正人請射田土多是將手典賣與人復來請射更有轉借或賃地人請佃官山田地將父祖葬埋起來論



十四年三月十一日記歸正殿前司

四月二日 樞密

院言白身歸正及未有正補名目之人來歸日久今該遇射射鐵簾推賞

及日後功賞難以依歸正十資格法補授并陳乞恩數理宜措置詔將似

此之人依軍功八資格法補授并將來遺轉恩數之類並與諸軍一體施

康熙十六年二月四日登極赦前後罪正歸朝歸附及

忠順官添差任數已滿之人昨來敘文許按正闕差遣或願就官觀藏廟

者特許陳乞一次今來該遇恩霽如願再就宮觀藏廟者特更許陳乞一

三月二十九日詔忠順官今所在州軍照數保明差違一次

同日放應歸正歸朝歸附及忠順官任添差官

觀藏廟之人其各得請受仰所在州軍按月支給  
十五日詔叙收武郎

王格與馬軍行司將劉差遣以殿前副都指揮使郭鈞格首先歸正諫

敕叙官與殿前司將副差違乞將格改充副軍將副以備朝廷使令故有

是命二十九日詔仰惟至尊壽皇聖帝軫念歸正歸朝遠來之人優恤

備至朕嗣位之人初自當遵守尚憲州郡或奉行不度致令失所可照應

累降指揮前倭散文移在案輯以稱朕意  
 紹熙元年四月二十二日

紹熙元年四月二十二日

建康府言除淳熙十五年赦恩賑濟已滿一平外今已得與更文一年詔  
依遇有事故人即行開落 五月十八日四川制置司言故知敘州劉師

顏昨來父子糾合忠義保護祖宗陵寢歸朝授官今官違身死其家素貧  
若不少加旌異恐無以激勸詔令洋州每月支給兩文勸士錢米 閏五

月七日詔忠順官請給雖已通理滿七任月日若先任未滿特令所在州  
軍且與接續幫勸候見任滿日任支 便福審院所請 六月二十三日

江西運司言總領所將見昌軍忠順官任滿一季無過人接續幫支過錢  
未理折月免之數是致迎官不能養贍乞先行除免詔照應淳熙十六年

閏五月七日已降指揮施行 二十九日樞密院言今其歸正守關進勇  
副尉進勇副尉添差散祇候使臣竄關內六十關下項一帥曰潮東西江東

西湖南北福建路各差兩員廣東西雅東西京西路各差一員一節鎮明  
發江贛泉鄧舒州平江鎮江寧國建寧常德肇慶德慶府各差一員一次

州軍溫秀太平池徽信袁撫吉澤惠潮真楚潘孟新黃和州南康興化武  
岡荆門高郵盱眙安豐無為軍各差一員詔將前項關寨同作正關差注

先注戰功次注陣亡忠澤補授次注歸正任職已滿人次注子弟所補授  
候將來人數減少日申取朝廷指揮施行 紹興元年正月十三日樞密

院言保義郎即律振狀故父歸朝身亡臣雖受世賞年一十四歲乞送臨  
安府權支効士錢米養贍孤幼詔候年及二十即行往支 十七日福建  
路安撫使高大同言歸正歸朝之人今後遇有身故之家不拘戶數即行  
贍給其家不滿五口者則計口給之五口以上則至五口而止未滿二十  
年且與養贍如此則朝廷實惠可以下究而州縣奉行不為虛文詔聽路  
州即照應施行 同日殿前司言昨令本司水軍統領范榮招收山東歸  
正忠義人充効用并撥到歸正官兵分學奉磨內有果重之人已蒙指揮  
優恤每月添支米數養贍續準淳熙十六年正月二十四日奉旨待更與  
展支一年今將及一年若行往支便見闕食乞依舊効支免致失所詔特  
更與展支一年以後每歲未省此請 二月十四日樞密院檢詳楊紘言

歸正歸明歸附忠順官等除到部已有籍外其堂除人樞密院並吏兵部  
未曾置籍今來添差任數已是足注授正闕差遣自合一體乞下吏兵部  
并本部照應條法指揮各置籍抄上以憑稽考仍行下所在州軍照會從  
之 四月二日詔昨降指揮以歸正歸朝歸附及忠順官添差任數已滿  
深慮不該闕陞有妨奏為許令注授正闕差遣隨才錄用或願就官觀藏  
廟者聽陳乞一次今來尚恐有貧乏不能前來注授或不得待闕之人當

臨御之初欲加優恤可將歸正歸朝歸附及忠順官添差前任一等不釐  
務差遣一次願授官觀感廟者聽候將來任滿日却仍舊照應節次已降  
指揮施行 八月十九日樞密院進呈信陽軍中勦到郭沂等情犯事宜  
王蘭奏郭沂元是虜界人為有親戚在淮南因而過淮其心亦是不忘中  
國刑寺擬斷刑名太重上曰留得他一人在此亦何益於事不如令說諭  
約回 二年六月十一日樞密院言乞行下諸路州軍日下聞其見今在  
任歸正歸明歸朝歸附忠義員數并已事故人數仍抄錄脚色附籍日後  
到任人準此如有事故之人今本州先次索真本付身鑒批取朝吏指揮  
從之 十一月二十七日南鄭教西北歸正歸朝民庶不忘祖宗德澤遠  
來內有老弱孤貧無依倚不能自存之人仰州縣覈實保明申常平司取  
見詣實特與賑濟一年 同日赦淳熙十二年大禮赦文應紹興三十一  
年以後歸正京朝官大小使臣選人文學校尉尉下班祇應任數已滿之  
人緣添差不釐務不許關陞將來有礙蔭補可令吏部依官序先次注授  
正門差遣將到已上隨才擢用或願就官觀感廟者將許陳乞一次內任  
數未滿人願依舊添差者聽其詣州忠順官候滿七任日一體施行照得  
紹熙元年四月五日先已將降指揮再與展一任訖竊慮在遠無力前來

陳乞之人仰教到日於所居州軍陳乞即與疾速保明其中以憑給降付  
身所有目今各人令得請給並仰按月支給毋令失所 三年十二月八  
日詔兩淮并沿邊州軍歸正人請占官田昨累降指揮與免差科稅賦今未  
限滿理宜優恤可自紹熙三年為始更與展免三年 已上光宗會要 淳  
熙五年七月七日登極赦應歸正歸朝歸明及忠順官任添差官觀藏廟  
之人其合得請受仰所在州軍按月支給 同日赦歸正歸朝歸明忠順  
官等不以紹興三十一年前後合得添差任數已滿之人念其忠義未歸  
理合優恤可特更與添差前任一等不釐務差遣一次仍令本州按月幫  
支合得請給 九月十四日明堂赦已降登極赦文歸正歸朝歸明忠  
順等官不以紹興三十一年前後合得添差任數已滿之人念其忠義未  
歸理合優恤可特更與添差前任一等不釐務差遣一次仍令本州按月  
幫支合得請給尚慮州軍奉行減裂不即按月支給致有拖欠恐失朝廷  
優恤之意仰監司常加覺察 慶元元年正月十九日殿前司言本司水軍  
昨招汝山東歸正忠義人充効用力并撥到歸正官兵內有口累重大人  
理宜優恤乞添支米養贍詔特支一年 以後逐年率此 九月二十九日  
宰執進呈蕭鵬已遺奏乞依滿察久安利月給官錢二百緡以贍妻孥余

瑞禮等奏二人均為歸正而事體不同難以攀援若陛下念其北來少加恩恤亦在聖意上曰此蒲察久安例減半與之余瑞禮曰謹遵聖訓於是詔每月特支贍家錢一百貫三十日詔歸正人前進武副尉添差江南東路安撫司聽候使喚潘良輔將與吏破効士錢米良輔自言元係密州營縣土豪紹興三十一年逆亮叛盟良輔糾集忠義七人隨都統趙開汝復日照縣并城陽軍及在海州與金人見陣蒙古帥魏勝將兄潘義陣亡進義副尉今良輔承授於隆興二年離軍到部累任添差建府安撫司聽候使喚紹興二年有歸正人許志陳論冒名承代蒙拘放出身以來文字竊念良輔憤發忠義自備鞍馬出戰歸正立功實係無辜乞下建康府吏破一効士錢米養贍血屬我有是命四年四月十二日樞密院言歸正歸朝歸明并忠義官已經十一任添差任數已滿之人若令到部注授正開差遣竊慮難待遠次因而失所理宜存恤詔歸朝歸明并紹興三十一年以後歸正官忠順官如已經十一任添差任數已滿之人委自守俸從公審量人材年貌參驗付身脚色別無詐冒委是正身保明以聞特更與放行前任一等不履務添差一次或十一任添差任滿已授正開差遣之人如願就今未添差亦許赴州軍陳乞照應改授其請給並依紹興四年

十月九日指揮減半支給內供給幾十貫以下免減願就官觀藏廟者聽  
仍仰逐州軍每季置籍開具見任人職次姓名所支錢米等并已差下人  
申樞密院遇有改差事故隨即銷落及將事故人真本付身公據繳中更  
兵部分明批鑒付身如無本宗親屬即行毀抹 嘉泰元年五月二日又  
詔更將與放行前任一等不履務添差一次其請給並依紹熙四年十月  
九日指揮減半支給十貫以下免減願就官觀藏廟者聽並委自守俸當  
量人材年貌參驗付身脚色委無詐冒等仍照近降指揮置籍更令互相  
保明委係正身申樞密院錄從慶元年四月指揮施行 嘉泰元年三月  
二十四日宰執進呈何澹奏諸路州軍歸正并忠順官添差員數自來每  
月置冊供申見任人數到任月日或有事故以憑銷除近來州郡多不申  
到竊事故數之人不曾開落虛破請給陳自強奏歸正人已足費耗州郡  
財賦豈可從而作弊上曰可嚴行下 同日樞密院言諸路州軍歸正并  
忠順官見今添差之人自來每月置冊供申見任人數到任月日或有事  
故以憑稽考勾銷簿籍竊慮所在事故之人其台干等人受囑不行開落  
因而虛破請給照令逐路安撫司行下所部州軍疾速開具歸正忠順官  
元額見管添差並事故人數須管每月置冊逐人子細開具繳申樞密院

歸朝歸明歸附人不得漏落仍仰帥司常切檢點或有全年不申繳去處  
即開具當州官吏職位姓名申樞密院取旨施行 七月十七日知開州  
劉甲言謹據承直郎添差在職鹽稅王永忠初因偽地小尋歸正四官八  
任在州監當見居羅城內崇叨厚俸至擁富貴廣置田宅凶悍之性老不  
知革父子三人動輒被率其徒騙挾州郡凌辱平民為公私鉅竄至擅占  
禁軍營舍居得淫婦以為遊宴之所其子侍官蔭尤為頑悖歸正官李安  
國等訴其在偽地本無官職妄稱有官貴緣受命及細閱其初補付身係  
紹興三十一年趙忠義統領曹堅歸朝年止二十六却稱曹克偽地京兆  
府總管司孔目官已經出職補從事郎偽誥被焚別無一字于照又稱有  
曹堅出給公據亦不見繳進本人補牒內開至吏部勘當不曾達到曹堅  
于照分明遂叨恩於文質上安排委係偽濫緣本州添差張東並係彼界  
投降之人山獠之風不可復長其王永忠難以存留本州今將任滿行赴  
運司擬授必是指射自代本身竄闕為害益深乞下制置司將王永忠移  
向鼎棗州軍居住仍下部契勘如十任已足今後止與添差藏廟差遣庶  
幾偽冒之人畧知朝廷法令從之 嘉泰二年十月四日致檢少保似大  
同軍節度使贈太師蒲察久安孫忠翊郎蒲察居仁進狀言先祖久安先



父殲恭親孝宗皇帝敕書宣諭率衆歸朝大安特蒙首建節越擢任帶御  
器械莫非優異竊見一般來歸蕭復係蕭琦之孫初任準備將領節次陞  
擢再任湖西副總管又先祖部下千戶趙良輔男元已擢任湖西路鈴李  
元男邦王擢任臨安府正將重念臣叨受遺澤歲久尚未得祿自父殲不  
祿之後每月蒙朝廷優恤支破贍家錢米一門方得存活臣已於去歲呈  
試中

原本缺

家錢米候出官任支緣臣東南產業素無若行住支

立見失所乞降付樞密院與臣將添差準備將領臨安府駐劄所有贍家  
錢米仍舊永遠支破庶使忠義子孫溥霑無窮之恩從之 閏十二月十

九日殿前司言本司水軍昨招攷山東歸正忠義人充効用并撥到歸正  
官兵內有口累重大人理宜優恤乞添支米養贍詔特支一年以後逐年

準此

三年十一月十一日南郊赦文歸正隨來子孫依指揮合得添差

兩任任滿之人內有妻係頭目子孫念其當來隨父祖忠義遠來特示優

恤可令樞密院將與放行添差一次 又日赦歸朝歸正歸明忠順官雖

添差任數已多緣其任滿深慮夫所可照應第十三任指揮更特與放行

前任一等不釐務添差一次以示優恤所有請給依詔熙四年九月九日

指揮施行仍仰守伴保明委無詐冒違礙中樞密院 日後即祀明堂大禮

其亦如之同日赦西北歸正歸朝民庶不忘祖宗德遠來內有老弱孤貧無依倚不能自存之人仰州縣覈實保明申常平司取見詣實持與賑濟

半年

自後即祀明堂人謹教亦如之

開禧元年十二月十四日詔將文

致左武大夫漳州團練使耶律憲妻恭人郭氏每月贍家三十貫米五石  
春冬衣絹各五匹冬加綿二十兩今糧料院按月幫支郭氏進狀改大憲  
元係遼國近族承襲世封任昭義大將軍於隆興元年以逆亮不道拋棄  
墳塋家屬財產物業率領本部全軍人馬同招討蕭瑋等奮發忠義萬死  
一生未歸聖朝仰蒙聖恩換補武德大夫忠州刺史建康府中軍統領陞  
充殿司統制身沒之後止有男孝純曾兩任添差臨安府將領自後緣足  
疾不曾陳乞差遣別無人食祿乞依蕭奪里頓趙受等體例支給錢米有  
司以非趙受之比故量給之 二年七月十六日詔偽明威將軍知縣王  
立與換武義大夫偽地付身令承旨司毀抹將添差東南第五將徽州駐  
劄不聲務請給依正官例支破候二年滿日中取朝廷指揮 以江淮宣  
撫司言立係偽明威將軍知縣并老小及齋偽地付身令開西門投拜迎  
降故有是命 九月十六日詔偽將仕郎歸充歸德府寧陵縣主簿劉士  
安換給地功郎更循兩資偽地付身令承旨司毀抹 以江淮宣撫司言

士安係泗州土居百姓昨赴偽朝試過詞賦進士及第已偽補將仕郎差  
克前仲差遣緣病日久未曾出官今遇聖朝大舉收復泗州士安齋僞朝  
付身敵黃首先同本州閭民官歸順故有是命 二十七日詔泗州歸正  
人吏孫瑄與補承信郎 以山東東路招撫使郭倪言宣因差送還泗  
州知州至燕京得和本朝收復泗州遠來歸正乞復與推恩故有是命  
三年三月十七日詔偽西路萬山一帶屯駐廣威將軍吾也萬戶男刺武  
校尉謀克納合道僧康寧與補武翼郎 以京西北路招撫使趙淳言謀  
克納合道僧父係右翼副統軍納合道僧自勸其父不可攻城傷折人衆  
父既不從且欲截之遂竊取右翼副統軍銅印一顆前來投拜納合道僧  
本姓康寧爲立名寧由是盡得萬山一路番軍虛實虜人於次日燒營盡  
渡江北乞與推恩故有是命 二十三日詔借補承節郎前泗州煙大都  
監黃天翼特與補下州文學 以權山東東路招撫司職事畢再遇言  
天翼自陳元係泗州生長人事習詞賦進士舉業於虜界五獲府解到省  
一次到殿有終場付身照驗克州學正於虜界格法詣赴御試舉人雖未  
及第許就隨朝十貫石局分承應歷三考得軍防判差遣天翼緣母親年  
不曾願就於年前四月二十六日幸遇大朝恢復舊疆天翼即時具州學

事日首先迎拜王師於馮統制處歸正了當次後蒙招撫司嘉其忠義路  
運充泗州煙火都監借補承郎官資幹當軍前大小事務及津發大軍前  
進一行人從車仗中馬等事正當暑雨貧瘡苦辛不曾有誤官中事務乞  
給換正官故有是命 嘉定三年二月二十三日詔故忠順郎差剌東刺  
總管婺州駐劄張會寧男時敏與依一般歸正人趙受例支給錢米養濟  
以時敏言父會寧元係北界十戶管軍頭日同萬戶蒲察大安部領軍馬  
前來宿州虹縣守把於隆興二年恭拜本朝宣諭誓文黃榜部平全軍  
人馬遠來歸朝今來身亡乞依趙受例支給遺錢米故有是命 五年  
二月十三日建康部統制莊松言昨准都省指揮勅會殿前步軍司建康  
鎮江府諸軍武鋒軍見管歸正忠義口果重大之人計口派支米數得旨  
特展支一年本司見管歸正忠義人指準每月添支養贍家屬已且仍舊  
接續按月照會批放庶免失所詔特展支一年 六年九月十八日詔今  
後歸朝歸正歸明忠順官大小事臣校尉年及七十陳乞添差人並與添  
差監當場務校尉添差指使並不釐務願作藏廟者聽內曾任路分副都  
監以上並止與降前任一等不釐務差遣所有請給者至第十一任人自  
依紹興四年十月九日已降指揮施行仍令吏部今後遇有勅會似此陳

乞添差之人分明予決合入差遣中樞密院以樞密院言歸朝歸正歸  
明忠順官嘉定五年十一月郎祀赦恩施行前任一等不釐務添差間有  
年及七十未嘗該載緣曾經十三處戰功年及七十人依淳熙五年指揮  
大小使臣與添差監當場務校尉添差指使並不釐務願作歲廟者聽內  
曾光正將以上在外曾任路分都監以上人並將與降前任一等添差不  
釐務差遣其歸正等官年及七十者自合一體施行所有曾任路分副都  
監以上人緣資歷稍高理合分別優異故有是命八年二月二十三日  
樞密院言殿前司提遊要步軍第二將劉武郎準備將耶律淑稱故父恭  
遜係契丹頭領於隆興二年同少保蕭琦萬里歸朝蒙恩特補授武德大  
夫忠州刺史差充殿前司忠義軍正將於乾道五年致仕恩澤補授承節  
郎淳熙十三年從軍嘉定元年陞充準備將轉至上件名目念淑隨父歸  
朝經今五十餘年係在聖朝長大照得契丹覆姓耶律係姓劉竊恐將來  
出戍呼叫姓名不便乞改正姓劉依舊名淑本軍將隊契勛耶律淑妻是  
詣實從之十年七月七日詔偽懷遠大將軍海州新榆縣令父谷為特  
補忠訓郎偽宣武將軍海州新榆縣主簿權稅務都監馬禧特補承節郎  
偽信武將軍海州新榆縣尉權忠孝義軍都統徒單立特補保義郎昭信

校尉海州新榆縣徐滿酒稅都監蒲察雅特補進義校尉分注福建州軍  
合入添差不釐務差遣理任請給等並依前後添差歸正人則例按月幫  
之偽地告劄令吏部覈核以江淮制置司言楚州忠義統轄高忠敏申提  
兵至賴榆縣城有失谷秀等開門齎銅印並官告迎降本司照得逐人並  
係投降歸順之人即與捉獲人不同乞將偽地官資換授正官故有是命  
八月二十二日詔歸順官趙元登特補成忠郎今吏部差注福建州軍添  
差不釐務準備差使理任請給依歸正人則例按月幫支以江淮制置  
司言忠義統轄沈鐸復連水縣首有趙元登投降係偽武節將軍連水縣  
周家莊巡檢為其本朝機牌即齎告劄等同老小歸附本司究問係道州  
三河縣溪兒人地近事宜無不聞知攻守之事言於可聽其人頗滑難信  
除將家口六人發赴都統司安泊支破錢米外照得趙元登首先歸附與  
就陣降附等人不同合加旌別乞照本人偽官換授與失谷叔等一體添  
差故有是命 二月二十八日詔偽宣武將軍華州華陰縣尉張玉特補  
忠義郎偽武節將軍潁州潁上縣香林寨副巡檢劉進特補成忠郎偽忠  
州校尉蒲端仁張直張勝各特補進義校尉分注江西州軍添差不釐  
務內張全劉進克準備差使蒲端仁張直張勝克指使理任請給等並依

前後派差歸正人則例按月幫支偽地稅創令吏部毀抹以淮西安撫司言張玉等原係中原人陷蕃百年不得已而仕偽知本朝恢復親檄書感泣約候兵馬渡淮率軍民內應忽大前來攻取所謀敗露欲將結的人誅戮玉等畏死星夜將帶老小歸順家產屋宇盡皆拋棄今齊偽地告剋乞換結正官故有是命十一年五月十九日詔前偽地白身宗子趙善周特補保義郎監潭州南嶽廟常州居住放行合得請給其家口如往常州照北來人體例支給錢米養贍以江淮制置司言淮東安撫司據高郵軍申解到北人趙善周等本司未委緣河北來據善周稱係大宋大宗第七位從孫東京趙親北宅漢王宮長子平陽郡王位下子孫宣和年間親祖士敏任京東淄州兵馬鈐轄曾祖仲集帶開府儀同三司追封魯國公諡恭安係哲宗徽宗皇伯士敏係神宗皇兄金賊攻取京東知州孫立順蕃其祖在後例換偽官詔命又不鄙并善周只在淄州居蕃國為見善周是大宋皇親拘收在官不令出入緣難與人馬再打淄州善周將老小出城入濟南東平府鄆海州至沐陽縣宋趙家住坐今知本朝軍馬進登迎洗將軍張前歸正了當今畫宋校圖并齊到本朝詔教明白本司已收管贍養故有是命八月九日樞密院言故武德郎謝西路到總管蒲察

鈞男端仁言臣故祖久安隆興二年蒙孝宗皇帝命魏王親書相祖久安  
奮發忠義糾率大周仁等將全軍人馬及倉庫等歸朝宣賜臣家恩數係  
是特旨不經發還祖久安身故伯趙臨危陳乞贖家等錢家恩月給二百  
貫春冬衣絹續後月支錢一百貫米一十石緣伯趙父鈞生前各居煙費  
所有月支錢米係錢男居仁支請臣兄弟並不得顆粒分文獨不需被聖  
澤乞付樞密院創下戶部及堂兄居仁位將逆月支破贖家錢米等分與  
臣位均養孤幼庶免失所詔依所乞 二十一日詔歸正人張時安趙翼  
張璠各將補遺義副尉分注江西州軍添差不釐務聽候使喚理任請給  
依歸正人則例按月幫支俸受告別盡付兵部毀抹 以江淮制置司言  
張時安等陳係大宋遺民著陷百年父祖以來有意歸順南北限隔不得  
已杜偽今虜衆殘將項瑩財產拋棄於嘉定十五年詔霍立縣過淮歸順  
蒙分撥無為軍養贍緣時安等偽官不曾陳乞換授近張玉刺進等喬元  
授偽官換授訖今喬偽官詣別乞換授正官使需寸祿故有是命 十二  
年七月七日詔前偽地白身宗子趙善長特補承信郎趙汝舟趙汝良並  
特補保義郎差監潭州南嶽廟內善長與化軍汝舟汀州汝良漳州各居  
住並放行合得請給仍將各人家口隨軍分撥照北來人體例錢米養



賧北直等人令江淮制置司契勘的實人數分姓別州軍亦照北來體例  
支給錢米織到告二十二段并宗圖公提令分撥庫寄收別下泉州照會  
以江淮制置司言楊車海軍前知密州于詳中領兵至密州諸城縣有  
趙善長等首領忠義人歸順取密州膠西縣城池稱係皇朝子孫陷沒偽  
北今因鞋粗侵擾偽差汝舟充義軍副都統把軍為見制司文牒首倡大  
義將帶精兵千餘招伏宋山史玉四千餘人前來東海欲助忠節本司當  
驗得善長等曾為高祖允昇賜平陽郡王高祖旦祖仲瓊父士綱見有神像  
勲封五色綾結及描畫宗枝圖及士綱東義郎官資於偽地倒換公據顯  
證照得善長等係是宗室難以臨邊已差人伴送南外宗正司養贍外善  
長汝舟汝良共五十八口白直老小七十一口乞將善長等補授官資親  
屬照北來人體例支給故有足命 十二月二日歸順人邢德將補到武  
郎通判青州兼京東路兵馬鈐轄成江脩武郎通判齊州兼提舉張聚脩  
武知州統轄濱州兵馬王贊脩武郎知齊州兼京東路兵馬鈐轄郎  
全從義郎知濱州兼總轄本州軍馬寇智東義郎簽書青州判官黃總轄  
王安忠州郎忠勇軍馬軍統制兼青州兵馬鈐轄劉江忠州郎忠勇軍先  
鋒統制趙澤忠州郎忠勇軍中軍統制兼京東安撫司帳前總轄張形成

忠郎忠勇軍統制兼知密州朱琛成忠郎忠勇軍統制兼知濰州衛穩成  
忠郎忠勇親制兼知登州郭堅成忠郎忠勇軍統制兼知濰州高顯承順  
郎忠勇軍前軍統制張松承節郎忠勇軍左軍統制張山承節郎忠勇軍  
後軍統制劉源張樞崔欽並承節郎京安撫司帳前統制以京東路節  
制司言那德等本是遺民不忘舊主赤心歸順忠節可嘉近準朝廷降  
空名詔命六十一道奉司今先書填給付外乞照應十四年正月二十  
三日詔楊嗣興特補武修郎王參從義郎以四川宣撫安丙言嗣興先  
在北界偽官至定遠大將軍魏虎軍統軍元係先朝名朝楊業之後雖世  
受勇問承嘗一曰忘本朝恩欲自拔來歸今乘機會棄家屬拾逆歸正  
參先因與魏鞬經戰立功偽加至懷遠大將軍昨來虜人侵犯曾受割割  
割置趙方旗榜結約造意赤心南向屢犯危机欲復見漢官威儀乘机勇  
決棄家歸朝委見忠順故有是命三月十九日詔張惠特補降武郎河  
北東路兵馬鈐轄以京東河北節制司言據盱眙貽軍忠義都統李全提  
領人兵與泗州番軍見陳有偽大將張國上將軍遙授兗州節度副使宣  
差總領都提控張惠將領部下頭目數人出陣投降降歸正可見忠節故有  
是命四月二十六日詔成忠郎忠勇軍統制兼知濰州朱琛特補忠訓

郎差充京東路兵馬鈐轄兼管登萊州靜海軍盜賊兵甲公事借補承節  
忠勇魏軍總轄統制員勝州通判夏贊特補承節郎權通判滕州兼管忠  
義軍事京東忠義魏軍都統制司準備差遣王玘珍特補承信郎以京  
東河北節制司言環安集居民捍禦曰充委有勞効鑒義義來歸委集民  
民捍禦有勞世珍義義來歸協贊軍事委有勞効故有是命十五年正  
月十日玉寶教文勛會歸朝端正歸明忠順官添差任數已滿之人因該  
嘉定十四年明堂大禮赦恩已令更特與放行前任一等不釐務添差一  
次其年七十以上之人亦已照應嘉定六年九月十日指揮施行尚慮所  
在官司阻抑不即放行請給自今教到日仰所在州軍即與按月契實或  
任藏廟并待闕合得本身料錢衣賜人亦仰速與幫支毋得仍前違戾  
二月五日詔李元特補從義郎充淮東制置司制勝軍鈐轄以京東節  
制司言忠義都統及路鈐張惠中有白洋河歸正頭目李元殺死沿河守  
把蕃官并偽提控溫罕偽都統石林王奴萬戶獨吉木胡連李到偽牌印  
將帶部下前來歸正本司將李元差充應天府鈐轄兼帳前制勝軍統制  
人兵刺充制勝軍發往野貽軍捍禦得李元擒逆歸順將帶人兵歸正  
本朝可顯忠赤故有是命四月二十七日詔孟春特補武翼郎仍舊知

沂州兼京東路馬步軍副總管提舉沂滕單州兵馬盜賊公事 以忠義  
都統李金言沂州知郡孟春久居京東係大宋之遺庶今陷虜相近百年  
為殘金亡政春抱義先自嘉定八年聚集忠義招到沂滕克單濟五州十  
九縣歸正聖朝節次遷如春承信郎京東路鈐知沂州於十四年有石珪  
盜賊妄稱難人抵城下逼脅降春緣州縣城池果值兵革軍少無糧難  
敵大馬金銀俱不得免石珪分付牌印金春克元帥未嘗行用後都統到  
沂州給付詔書仰念國恩兼春係先歸正實無背棄及將元授金牌繳納  
赴制司公參管下州縣亦各歸正今具見管州縣沂州臨沂費縣滕州滕  
鄆沛南陵縣克州滋陽寧泗水曲阜縣單州單父豐魚臺虞城成武楚丘  
縣濟州任城金鄉嘉祥縣本司見得孟春莊民朴實迫於逼脅不得已隨  
從石珪初無違背本朝之意故有是命 十六年八月二十四日詔制勝  
軍統制陳智將與補承節郎 以京東河北鎮撫司言海州中智係密州  
諸城縣人莊農為生嘉定四年經難輒兵火隨李金福合人兵在九德山  
混穀金賊十六年赤心歸順聖宋取東海次海州安復山東後攻取邳州  
破招賢唐宋二寨奪到牌印免番軍頭目夏深等宣力惟多見係借補承  
節乞與種別補換真命故有是命 九月二日詔趙社特補承信郎 以

淮西制置司言社係遼東蓋州人女真馬軍千戶授廣威軍南京屯駐因  
虜界專尚酷虐害軍民於嘉定十二年棄將軍老小歸順至唐州蒙  
隨州借補承信郎充充敵軍訓練同康用攻打此陽縣立功補準備將虜  
賊犯斬黃京湖制司令隨扈再與於馬鞍山林家店見陣陞補副將節次  
先鋒血戰重傷今齎偽界付身宣武廣威將軍宣帖條武校尉救黃武節  
將軍官資比附換授真命政有是命 九月十三日詔偽宣差鎮國上將  
軍耶州從宜經畧使兼耶州刺史知軍事徐耶現措使納合陸哥改姓康  
名曰碑將補武節大夫忠州團練使充淮東路馬步軍副總管知淮陽軍  
事兼管內經略使 以京東河北節制司言納合陸哥舉城來歸忠誠可  
尚除已便宜改姓康名曰碑詔命乞從給降故有是命 十七年二月十  
一日詔康曰碑將贈保靜軍承宣使仍特與承節郎恩澤一道承信郎恩  
澤二道更將支錢二千貫又給付其家令制置司於朝廷撥管官錢內支  
破 以樞密院言勸會特授忠州團練使武節大夫淮南東路馬步軍副  
總管知淮陽軍管內經略使康曰碑捨逆從順挈地來歸備見忠赤方深  
嘉尚旋為賊害殊可矜傷宜加贈卹以示國家慈惠不忘之意